



新刊監本冊府元龜第三百四十七

將帥部八

佐命第八

後唐李嗣昭武皇母弟代州刺史克柔之假子也小字進通不知族姓所出少從征伐精練軍機昭宗乾寧四年為內衙都將援河中敗汴軍於胡壁堡擒汴將滑禮及王珂請婚於武皇武皇以女妻之珂赴禮會於太原以嗣昭權典河中留守事李罕之襲我潞州也嗣昭率師攻潞與汴將丁會戰於谷口俘獲三千執其將蔡延恭代李君慶為蕃漢馬步行營都將進攻潞州遣李存曾李嗣本以兵扼天井關汴將澤州刺史劉玘棄城而遁乃以李存璋為刺史梁祖聞嗣昭之師大至召葛從周謂曰兵

人若在高平當圍而取之先須野戰勿以潞州為敵及聞嗣昭
遣韓店梁祖曰進通扼八議路此賊決與我鬪公等臨事制機
勿落奸便賀德倫閉壁不出嗣昭日以鐵騎環城汴人不敢芻
牧援路斷絕八月德倫張歸厚棄城遁去遂復取潞州三年汴
人攻滄州劉仁恭求救遣嗣昭出師邢洺以應之嗣昭遇汴軍
於沙河至敗之獲其將胡禮進攻洺州下之獲其郡將朱紹宗
九月梁祖自率軍三萬至臨洺葛從周設伏於青山口嗣昭聞
梁祖歛軍而退從周伏兵發為其所敗偏將王郃即楊師悅等
被擒十月梁人大寇鎮定王郃告急於武皇乃遣嗣昭出師下
大行擊懷孟汴將侯言守河陽不意嗣昭之師至既無守備驅
市人登城嗣昭攻其北門破其外垣俄而汴將閻寶救軍至乃
退天復元年河中王珂為汴軍所虜河中晉絳諸郡皆陷四月
汾州刺史李瑋謀叛納款於汴嗣昭討之三日而拔斬瑋是月
汴人初得蒲絳乃大舉諸道之師來逼太原汴將葛從周陷承
天軍氏叔琮營洞渦驛太原四面汴軍雲合武皇憂迫計無所
出嗣昭朝夕選精騎分出諸門搥擊汴營左將右斬或燔或擊
汴軍疲於奔命又屬霜雨軍多腫痢運糧不繼五月氏叔宗引
退嗣昭以精騎追之汴軍乃棄輜車兵仗萬計六日嗣昭出師
陰地攻慈隰降其刺史唐禮張環是時天子在鳳翔汴人攻圍
有密詔徵兵十一月嗣昭出師晉絳屯吉上堡與汴將王友寧
遇於平陽一戰擒之明年正月嗣昭進營蒲縣十八日汴將朱
友寧氏叔琮將兵十萬來拒二十八日梁祖自率大軍至平隄

嗣昭之衆大恐三月十一日有白虹貫日德威之營侯者云
利宜班師翌日氏叔琮犯德威之營汴軍十餘萬列陳四合德
威血戰解之乃保軍而退汴軍因乘之時諸將潰散無復部伍
德威引騎軍循西山而遁朱友寧乘勝陷慈隰汾等州武皇聞
其敗也遣李存信率牙兵至清源應接復為汴軍所擊汴軍營
於晉祠嗣昭德威收合餘衆登城拒守梁人治攻具於西北隅
四面營柵相望時鎮定河中皆為梁有孤城無援師旅敗亡武
皇晝夜登城憂不遑食召諸將謀欲出保雲州嗣昭曰王勿為
此謀兇等苟存必能城守李存信曰事勢危急不如且入北蕃
別圖進取朱溫兵師百萬天下無敵關東河北受他指揮今獨
守危城兵亡地蹙儻被築室反耕環斬深已則亡無日矣武皇
將從之嗣昭亟爭不可猶豫未決賴劉太妃極言於內武皇且
止數日亡散之衆復集嗣昭晝夜分兵四出斬將搴旗汴軍保
守不暇二十一日朱友寧燒營退去嗣昭追擊復收汾慈隰等
州五月雲州都將王敬暉據城叛振武石善友亦為部將契苾
讓所逐嗣昭皆討平之天祐三年汴人攻滄景劉仁恭遣使求
援十一月嗣昭為昭義節度使五年五月莊宗敗汴軍破夾城
嗣昭知武皇棄世哀慟幾絕時大兵攻圍歷年城中士民饑死
大半鄆里蕭條嗣昭緩法寬租勸農務穡一二年間軍城完集
三面鄰於敵境寇鈔縱橫設法枝梧邊鄙不聳胡柳之戰周德
威戰沒師無行列至晚方集汴人四五萬登無石山莊宗之軍
形於懼色或請收軍保營詰旦復戰嗣昭曰賊無營壘去臨澧

地遠曰已晡晚皆有歸心但以精騎撓之無令返旆晡後追擊破之必矣我若收軍拔寨賊人臨濮俟彼整齊復來即勝負未決莊宗曰非兄言幾敗吾事軍校王建及又陳方略嗣昭與建及分兵於土山南北為犄角汴軍懼下山因縱軍擊之浮斬三萬級由是莊宗帳錢於戚城莊宗酒酣泣而言曰河朔生靈十年饋輓引領鶴望俟破汴軍今兵賦不充寇孽猶在坐食軍賦有愧蒸民嗣昭曰臣忝急難之地毋一念此寢不安席大王且持重謹守惠養士民臣歸本藩簡料兵賦歲末春首即舉衆復來莊宗離席拜送如家人禮是月汴將劉鄩攻同州朱友謙告急嗣昭與李存審援之九月破汴軍於馮翊乃班師十九年莊宗親征張文禮於鎮州冬契丹三十萬奄三嗣昭從莊宗擊虜於新城阿保機在望都莊宗深入親與虜鬪虜騎圍之數十重良久不解嗣昭號泣赴之引三百騎橫擊虜圍馳突出沒者數十合虜退翼莊宗而還是時閻寶為鎮人所敗退保趙州莊宗命嗣昭代寶攻真定七月二十四日王處球之兵出至九門嗣昭設伏於故營賊至發伏擊之殆盡餘三人匿於牆墟間嗣昭環馬而射之為賊矢中腦嗣昭箠中矢盡拔賊矢於腦射賊一發而殪之嗣昭日暮還營所傷流血不止是夜卒莊宗即位贈太師隴西郡王長興中詔配享莊宗廟庭

李嗣本本姓張少事武皇為帳中紀綱漸立戰功得補軍校唐昭宗乾寧初從征李儔為前鋒與燕人戰得居庸關以功為義兒軍使因賜姓名從討王行瑜授檢校刑部尚書改威遠寧塞

田原方集
等軍使五年討羅引信於魏州嗣本為前鋒師還改馬軍都將
從李嗣昭討王暉於雲州論功加檢校司空汴將李嗣安之圍
潞也從周威軍餘吾嗣本率軍日與汴人轉戰前後獻浮干計
遷代州刺史六年從功晉絳為藩漢副都校後為振武節度使
莊宗定魏博劉鄩據莘縣命嗣本入太原巡守都城又從破劉
鄩於故元城收洛磁衛等三郡乃還鎮振武

李嗣恩本姓駱年十五能騎射侍武皇於振武及鎮太原補鐵
林小校軍小校從征王行瑜奉表獻捷加檢校散騎常侍漸轉
突陣指揮使賜姓名天祐四年逐康懷英於西河解汾州之圍
加檢校司空充左廂馬軍都將戰王景仁有功檢校司徒天祐
十二年從莊宗入魏擊劉鄩有功轉天雄軍下步軍都指揮使劉
鄩之北趨樂平也嗣恩襲之倍程先入晉陽時城中無備得嗣
恩兵至人百其勇鄩聞其先過乃遁莘之戰以功轉代州刺史
充石嶺關已北都知兵馬使稍遷振武節度使十五年追赴行
在卒於太原

李存信本姓張從武皇入關平賊始補軍職為藩漢都校從討
李儔降赫連鐸白義誠以功檢校左僕射從入關討王行瑜加
檢司空領柳州刺史

李存孝給事武皇帳中常將騎為先鋒從武皇救陳許逐黃寇
及遇難上源每戰無不克捷後收潞之師圍張濬於平陽營於
趙城華州韓建遣壯士三百夜犯其營存孝謀知設伏以擊之
盡殪晉州西門獲賊三千自是閉壁不出存孝引軍攻絳州其

刺史張行恭弃城而去張濬韓建亦由合口而遁存孝收晉絳以功授汾州刺史北士二百文其言甚苦詰味其言李存進振武人事武皇從入關還鎮太原署牙職從討王行瑜以功授檢校常侍與李嗣昭同破王珙於河中唐昭宗光化三年契丹犯塞寇雲中改永安軍使鴈門以北都知兵馬使天復初破氏叔琮前軍於洞渦三年授石州刺史莊宗初嗣位入為步軍右都校檢校司空師出井陘授行營馬步都虞候破汴軍於栢鄉論功授汾州刺史轉檢校司徒俄兼西南面行營招討使出師收慈沁二州刺史

李存璋雲中人武皇初起雲中存璋與康君立薛志勤等為奔走之交從入關以功授國子監祭酒累官萬勝雄威等軍從討李儔改義兒軍使唐昭宗光化二年授澤州刺史入為牢城使從李嗣昭討雲州叛將王暉平改教練使五年武皇疾篤召張承業與存璋授遺顧存璋爰立莊宗夷內難頗有力焉改河東馬步都虞候從破汴軍於夾城轉檢校司徒栢鄉之後為三鎮排陣使十一年從盟朱友謙于阿氏授汾州刺史汴將尹皓攻慈州逆戰敗之十三年王檀逼太原存璋率汾州之軍入城固守授太同軍防禦使應蔚朔等州都知兵馬使秋契丹寇蔚州陷之阿保機遣使馳木書求賂存理斬其使虜逼雲州存璋拒守城中有古鐵車乃鎔為兵仗以給軍士虜退以功授檢校太傅同軍節度雲應等州觀察

康君立蔚州興唐人世為邊豪唐禧宗乾符中為雲州牙校事

防禦使段文楚時群盜起河南天下將亂代北仍歲阻饑諸郡
豪傑咸有嘯聚邀功之志會文楚稍削軍人儲給戍兵恣怨君
立與薛鐵山程懷信王行審李存璋等謀曰段公儒人難與共
事方今四方雲擾皇威不振丈夫不能於此時立功立事非人
豪也吾等雖權部衆然以雄勁聞於時者莫若沙陀部復又李
振武父子勇冠諸軍吾等合勢推之則代北之地旬月可定功
名富貴事無不濟也君立等乃夜謁武皇言曰方今天下之大
亂天子付將臣以邊事歲偶饑荒使削儲給我等邊人焉能守
死公家父子素以威惠及五部當共除虐師以謝邊人孰敢異
議者武皇曰明天子在上舉事當有朝典公等勿輕議予家尊
遠在振武万一相迫俟予稟命君立等曰事機已泄遲則變生

曷俟千里咨稟衆因聚譟擁武皇比及雲州衆且萬人師營闔
鷄臺城中械文楚以應武皇之軍既收城推武皇為太同軍防
禦留後衆狀以聞朝廷不悅詔徵兵來討俄而獻祖失振武武
皇失雲州朝廷命招討使李鈞幽州李舉加兵於武皇攻武皇
於蔚州君立從擊李舉之師屢敗及獻祖入遼靺君立保感義
軍武皇授燕門節度以軍立為左都押牙從入關逐黃夔收長
安武皇還鎮太原授檢校工部尚書先鋒軍使文德初李罕之
既失河陽來歸於武皇且求授焉乃以君立充南面招討使李
存孝副之帥師二万助罕之收取河陽三月與汴將丁會牛存
節戰於沅河臨戰之次騎將安休叛入汴軍君立引退八月授
汾州刺史昭宗大順元年潞州小校安居受反武皇遣君立討

平之授檢校左僕射昭義節度使

薛志勤蔚州奉誠人小字鐵山初為獻祖帳中使唐僖宗乾符中與康君立共推武皇定中以功授右牙都校從入達靼武皇授節鴈門志勤領代北軍使從入關收京城以功檢校工部尚書河東右都押牙先鋒石軍使從武皇救陳平黃巢武皇遇難於上源驛汴將楊彥洪連車樹柵遮絕巷陌時騎從皆醉宴席既闌汴軍四面攻傳舍志勤虓勇冠絕復酒膽激壯因獨登驛樓大呼曰朱僕射負恩無行邀我司空嗾之吾三百人足以濟事因彎弧發射矢無虛汴人斃者數人志勤私謂武皇曰事急矣如至五鼓吾屬無類矣可速行因扶武皇而去雷雨暴猛汴人扼橋志勤以其屬血戰擊敗之得侍武皇還營由是恩顧益厚志勤昭宗大順初張濬以天子之師來侵太原十月天軍入陰地志勤與李承嗣率騎三千抗之敗韓廷之軍於蒙坑進收晉絳以功授忻州刺史二年從討鎮州收長臨城志勤皆先登陷陣勇敢無前王暉據雲州叛討平之以志勤為大同軍防禦使檢校司空寧初代康君立為昭義節度使李承嗣代州鴈門人承嗣少仕郡補右職唐僖宗中和二年從武皇討賊關輔為前鋒王師之攻華陰黃巢令偽客省使王汀會軍機於黃揆承嗣擒之以獻賊平以功授汾州司馬改榆次鎮將光啓初從討蔡賊於陳許上源之難遣承嗣奉表行在陳訴其事觀軍容田令孜館而慰譬令達情於武皇始務協和仍授以左散騎常侍朱攻之亂遣承嗣率軍萬人援鄜州至渭橋

迎扈車駕王行瑜既殺朱攻承嗣會鄜夏之師入定京城獲
偽相裴徹鄭昌圖函送朱攻襄王首獻于行在駕還宮賜號迎
銜功臣檢校工部尚書守嵐州刺史賜犒車錢二萬貫時車駕
初還三輔多盜承嗣按兵警邏車投又安及還屯於鄜番別將
馬嘉福五百騎宿于孟方立之襲遼州也武皇遣承嗣設伏於
榆社以待之邢人既至承嗣發伏擊其歸兵大敗之獲其將奚
忠信以功授洛州刺史及張濬之加兵於太原也時鳳翔軍營
霍邑承嗣帥一軍攻之岐人夜遁追擊至趙城合大軍攻平陽
旬有三日而拔師旋改教練使檢校司徒昭宗乾寧二年兗鄆
為汴人所攻勢漸危蹙遣使乞師于武皇武皇遣承嗣帥三千
騎假道於魏渡河援之時李存信屯於莘縣既而羅孔信背盟
掩擊王師因茲隔絕及朱瑄朱瑾失守承嗣朱瑾史儼同入淮
南承嗣史儼皆騎將也淮人得之軍聲大振武皇深惜之如失
左右手乃遣趙岳間道使于淮南請歸承嗣等楊行密許之遣
使陳令存修好於武皇其年九月汴將龐師古葛從周出師將
收淮南朱瑾率淮軍三萬與承嗣設伏青口大敗汴人生獲龐
師古行密嘉其雄才留而不遣仍奏檢校太尉領鎮江軍節度
使

史儼代州鴈門人以便騎射給事於武皇為帳中親將驍果絕
衆善擒生設伏望塵揣敵所向皆捷自武皇入定三輔誅黃巢
每出師皆從唐昭宗乾寧中從討王行瑜師次渭北遣儼率五
百騎護駕石門時京城大擾士庶奔迸散布南山儼分騎警衛

比駕還京盜賊不作以功檢校右散騎常侍屯於三橋者累月始建瑋燕人武皇節制鴈門敬思為九府都督從入關定京師及鎮太原為裨將唐僖宗中和四年從援陳許為前鋒敗黃巢於汴上追賊至徐兗常將騎挺身酣戰勇冠諸軍是時天下之師雲集軍無不推伏

蓋寓蔚州人祖祚父慶世為州之牙校武皇起雲中寓與康君立等推轂佐佑之因為腹心武皇節制鴈門署職為都押牙領嵐州刺史洎移鎮太原改左都押牙檢校左僕射武皇與之決事言無不從凡出征行靡不衛從唐昭宗乾寧二年從入關討王行瑜特授檢校太保開國侯邑千戶領容管觀察經略使光化初車駕還京授檢校太傅封成陽郡公寓性通黠多智數善

揣人主情武皇性嚴急左右難事無委遇者小有違忤即寘於法唯寓承顏希旨規其趣向婉辭順意以盡參裨武皇或暴怒將吏無不景附朝廷藩隣信使結托先及武皇次入寓門既摠軍中大柄其名振主梁祖亦使姦人離間暴揚於天下言蓋寓已代李諱聞者寒心武皇略無疑問初武皇既平王行瑜旋師渭北暴雨六十日諸將或請入覲且云天顏咫尺安得不行覲禮武皇意未決寓白日車駕自石門還京寢無安席比為行瑜兄弟驚駭乘輿京師未寧姦究流議大王移兵渡渭心恐復動宸情君情姑終不在朝覲但歸藩守姑務勤王是忠之道也武皇笑曰蓋寓尚阻吾入覲况下人哉即日班師

周德威小字揚五朔州馬邑人也初事武皇為帳中騎督唐昭

宗乾寧中為鐵林軍使從武皇討王行瑜以功授檢校左僕射
移內衙軍副天復中武皇之師不利於蒲縣汴將朱友寧氏叔
琮來逼晉陽時諸軍未集城中大恐德威與李嗣昭選募銳兵
分出諸門以攻其壘擒生斬馘汴人枝梧不暇乃退天祐三年
與李嗣昭合燕軍攻潞州降丁會後為藩漢都將李思安之寇
潞也德威軍於余吾時汴人十萬築夾城圍潞州內外斷絕德
威以精騎薄之屢敗汴人進營高河令遊騎邀其芻牧汴軍閉
壁不出乃自東南山口築堦道樹柵以通夾城德威騎軍倒墻
堦塹日數十戰前後俘馘不可勝紀梁有驍將黃角鴈房骨崙
皆生致之五年四月命德威班師時莊宗初立德威外握兵柄
頗有浮議內外憂之德威既至軍騎入謁由是群情釋然是月
二十四日從莊宗再援潞州二十九日德威前軍營橫碾距潞
四十五里五月朔晨霧晦暝王師伏於三蕃岡下翌日直趨夾
城斬關破壘梁人大敗解潞州之圍初德威與李嗣昭有私憾
武皇臨終顧謂莊宗曰進忠忠孝不負我重圍累年似與德威
有隙以吾命諭之若不解重圍歿有遺恨莊宗達遺命德威感
泣由是勵志堅戰竟破強敵與嗣昭歡愛如初以功加同平章
事振武節度使七年岐人攻靈夏遣使來求助德威渡河以應
之師還授藩漢馬步總管十一月汴人據深冀汴將王景仁軍
八萬次栢鄉鎮州節度使王鎔來告難帝遣德威率前軍出井
陘屯於趙州十二月帝親征二十五日進薄汴營距五里五里
營於野河之上汴將韓勅率精兵三萬鎧甲皆被繒綺金銀炫

田所之罪
曜望之森然我軍惧形於色德威謂李存璋曰賊結陣而來觀其形勢志不在戰欲以兵甲耀威耳我軍乍見其來謂其鋒不可當此時不挫其鋒吾軍不振矣乃遣存璋諭諸軍曰爾見此賊軍否是汴州天武健兒皆屠沽傭販虛有其表徒被精甲十不當一擒獲足以為貨德威自率精騎擊其兩偏左馳右突出沒數四是日獲賊一百余人賊渡河而退德威謂莊宗曰賊驕氣充盛宜按兵以待其衰莊宗曰我提孤軍救難解紛三鎮烏合之衆利在速戰卿欲持重吾懼其不可使也德威曰鎮定之士長于守城列陣野戰素非便習我師破賊唯侍騎軍平田廣野易為施巧今壓賊營令彼見我虛實則勝負未可必也莊宗不悅退卧帳中德威患之謂監軍張承業曰王欲速戰將烏合之徒欲當劇賊所謂不量力也去賊咫尺陷此一渠水彼若早夜以略約渡之吾族其為俘矣若退軍高邑引賊離營彼出則歸彼歸則出復以輕騎掠其芻餉不踰月敗賊必矣承業入言莊宗亦釋然德威得降人問之曰景仁下令造浮橋數百果如德威所料二十七日乃退軍保高邑八年正月二日德威率騎軍致師於栢鄉設伏於村塢間令三百騎以壓汴營王景仁悉其衆結陣而來德威轉戰而退汴軍因而乘之至於高邑南時步軍未成列德威陳騎河上以抗之亭午兩軍皆陣莊宗問戰時德威曰汴軍氣盛可以勞逸制之造次較力殆難與敵古者師行不踰一舍蓋慮糧餉不給士有饑色今賊遠來決戰從挾糗糧亦不遑食晡晚之後饑渴內侵戰陳外迫士心既倦將必

求退乘其勞弊已生兵制之縱不大敗偏師必喪以臣所籌利
在晡晚諸將皆然之時汴軍以魏博之人為右廣宋汴之人為
左廣自未至申陣稍却德威麾軍呼曰汴軍走矣塵漲天魏人
收軍漸退莊宗與史建瑭安金全等因衝其陣夾攻之大敗汴
軍殺戮殆盡王景仁李思安僅以身免獲將校二百八十人八
月劉守光僭稱大燕皇帝十二月遣德威率步軍三萬出飛狐
與鎮州將王德明定州將程嚴等軍進討九年正月收涿州降
刺史劉知溫五月七日劉守光令驍將單廷珪督精甲萬人出
戰德威遇於龍頭岡初廷珪謂左右曰今日擒周揚五既臨陣
見德威廷珪單騎持槍窮追德威垂及德威側身避之廷珪少
退德威奮搥擊墜其馬生獲廷珪賊黨大敗斬獲三千級獲大
將李山海等五十二人十二日德威自涿州進軍良鄉大城守
光既失廷珪自是奪氣德威之師屢收諸群降者相繼十年十
一月擒守光父子幽州平十二月授德威檢校侍中幽州盧龍
等軍節度使德威性忠孝感武皇獎遇嘗思臨難忘身十二月
汴將劉鄩自洹水乘虛將寇太原德威在幽州聞之徑以五百
騎馳入土門聞鄩軍至樂平不進德威徑至南宮以候汴軍初
劉鄩欲據臨清以扼鎮定轉餉之路行次陳宋口德威遣將擒
數十人皆傳刃於背繫而遣之既至謂劉鄩曰周侍中已據宋
城矣德威其夜急騎扼臨清劉鄩乃入具州是時德威若不至
則勝負未可至也十五年我師營麻口渡將大舉以定汴州德
威自幽州率本軍至十二月二十三日軍次胡柳詰旦騎報曰

汴軍至矣莊宗使問戰備德威奏曰賊倍道而來未成行伍我
營柵已固守備有餘既深入賊疆須決萬全之策此去大梁信
宿賊之家屬盡在其間人之常情孰不以家國為念以我深入
之衆抗彼激憤之軍不以方略制之恐難必勝王但按軍保柵
臣以騎軍疲之使彼不得下營際晚糧費不給進退無據因以
困之道也莊宗曰河上終日挑戰恨不遇賊今款門不戰非壯
夫也乃率親軍成列而出德威不獲已從之謂其子曰吾不知
其死所矣莊宗與汴將王彥章接戰大敗之德威之軍在東徧
之遊軍入我輜重衆駭奔入德威軍因紛擾無行列德威兵少
不能解父子俱戰歿是夜收軍德威不至莊宗慟哭諸將曰喪
我良將吾之咎也同光初追贈大師

符存審陳州宛丘人初歸於武皇署右職令典義兒軍賜姓李
存審性謹厚寵遇日隆自是武皇四征存審常從所至立功改
左右廂步軍都指揮使天祐三年授藩漢步副使指揮與李嗣
昭降丁會於上黨從周德威破賊於夾城以功授忻州刺史領
藩漢馬步都指揮使七年充漢副總管莊宗擊汴人於栢鄉留
存審守太原九年梁祖攻脩縣存審與史建瑋李嗣昭赴援屯
下博橋汴人驚亂燒營而遁以功遙領邢洛磁團練使十二年
魏博歸款於莊宗莊宗率存審率前絳據臨清以俟進取莊宗
入魏存審乞屯魏縣以劉鄩十二年六月鄩營莘縣存審與鎮
定之師營莘西三十里一日數戰八月率師攻張源德於具州
十三年二月劉鄩自莘悉衆來襲我魏州存審以大軍踵其後

於古元城大汴人從收澶衛磁洛等州秋邢州閻寶降受存審
安國軍節度度邢洛等觀察使十月戴思遠弃滄州毛璋以城
降授存審橫海軍節度使兼領衛博馬步軍都指揮明年就加
平章事十四年八月將兵援周德威於幽州敗契丹之衆冬破
汴將安彥之於楊劉諸軍進營麻口時梁將謝彥章營行臺村
莊宗勇於接戰每以輕騎當之遇窘者數四存審每候其出必
叩馬泣諫曰王將復唐宗社宜為天下自愛搴旂挑戰一劔之
任無益聖德請責效於臣古人不以賊遺君父臣雖不武敢不
代君之憂莊宗即時迴駕十二月戰於胡柳晡時之後存審引
所部銀槍效節軍敗梁軍於土山下是日辰時問周德威一軍
逗曉梁軍四集存審與其子彥圖冒刃血戰出沒賊陣與莊宗
軍合午後師復集擊敗汴人十六年春為內外藩漢馬步總管
於德勝口築南北城以據之七月汴將王瓚自黎陽渡河寇澶
州存審拒戰瓚退營於楊村渡控我上遊自是日與交鋒對壘
經年大小凡百餘戰十七年汴將劉鄩攻同州朱友謙求援於
我遣存審與李嗣昭將兵赴之九月次河中進營朝邑時河中
父臣於梁秉持兩端及諸軍大集芻粟暴貴嗣昭惧其翻覆將
急戰以定勝負居旬日梁軍逼我營會望氣者言西南有黑氣
如鬪鷄之狀當有戰陣存審曰我方欲決戰而形於氣象得非
天贊歟是夜閱其衆詰旦進軍梁軍來逆戰 大敗之追斬二
千餘級自是梁軍保壘不出存審謂嗣昭曰吾初惧劉鄩據渭
河偏師既敗彼若退歸惧我踵之獸窮持人勿謂無事可開其

田所元罪
歸路然後追奔乃令王建及牧馬於汝苑劉鄩尹皓知之保衆
退去遂解同州之圍存審略地至奉先謁諸帝陵乃班師十八
年王師討張文禮於鎮州李嗣昭李存進相次戰歿十九年遣
存審率師進攻師於城下文禮之將李再豐陰送款於存審我
師中夜登城擒文禮之子處球等露布以獻鎮州平以功加檢
校太傅兼侍中二十年正月師旋於魏州莊宗出城迎勞就第
晏樂居無何契丹犯燕薊郭崇韜奏曰汴寇未平李繼韜背叛
北邊遮虜非存審不可帝遣中使諭之存審卧病羸瘠附奏曰
臣效忠稟命靡敢為辭但疴恙纏綿未堪祗役既而詔存審以
本官充幽州盧龍節度自鎮州之任同光初加開府儀同三司
檢校太師中書令邑千戶賜號忠烈扶天啓運功臣

郭崇韜代州鴈門人也武皇用為典謁奉使鳳翔稱旨署教練
使崇韜臨事機警應對可觀莊宗嗣位尤器重之天祐十四年
用為中門副使專典機務艱難戰伐靡所不從十八年從征張
文禮於鎮州契丹引衆至新樂王師大恐諸將咸請退還魏州
莊宗猶豫未決崇韜曰阿保機為王郁所誘本利貨財非敦隣
好苟前鋒小衄遁走必矣况我新破汴寇威振北蕃乘此驅攘
往無不捷且事之濟否亦有天命莊宗從之王師果捷莊宗即
位於魏州崇韜加檢校太保守兵部尚書充樞密使是時衛州
陷於梁澶相之間寇鈔曰至民流地削軍儲不給群情惱惱以
為霸業終不能濟崇韜寢不安席俄而王彥章陷德勝南城敵
勢滋蔓汴人急攻揚劉城明宗在鄆音驛斷絕莊宗登城四望

計無從出崇韜啓曰段凝阻絕津路苟王師不南鄆州不能保
守臣請於博州東岸立柵以固通津但慮汴人偵知徑來薄我
請陛下募敢死之士日以挑戰如三四日間賊軍未至則柵壘
成矣崇韜率毛璋等万人夜趨博州視矛戟之端有光崇韜曰
吾聞火出兵刃破賊之兆也至博州渡河版築晝夜不息崇韜
葭葦間據胡床假寢覺袴中冷左右視之乃蛇也其忘疲勵力
也如是居三日梁軍果至城壘低庫沙士散惡戰具不完汴將
王彥章杜晏球率衆攻急軍不得休息崇韜身先督衆四面拒
戰有急即應城垂陷俄報莊宗領親軍次西岸梁軍聞之退走
因解楊劉之圍未幾汴將康延孝來奔崇韜延於卧内訊其軍
機延孝曰汴將四道齊舉以困我軍莊宗憂之召諸將謀進取
之策宣徽使李紹宏請棄鄆州與汴人盟以河為界無相侵寇
莊宗不悅獨卧帳中召崇韜謂曰計將安出對曰臣不知書不
能徵比前古請以是事言之且陛下十五年起義菑霸為雪家
讐國耻甲冑生蟣虱黎人困輸輓今既募崇大號河朔士庶日
望盪平終得汶陽尺寸之地不能保守况盡有中原乎將來歲
賦不充物議咨怨設若劃地為界誰為陛下守之臣自延孝言
事已來晝夜籌度料我兵力筭賊事機不出今年雌雄必決聞
汴人決河自滑至鄆非舟楫不能濟又聞精兵盡在段凝麾下
王彥章曰寇鄆境彼既以大軍臨我南鄙又憑恃決河謂我不
能南渡志在收復汶陽此汴人之謀也臣謂段凝保據河壩苟
欲持我臣但請留兵守鄆保固陽劉陛下親御六軍長驅倍道

直指大梁汴城無兵望風自潰既若為主授首賊將自然倒戈半月之間天下必定如不決此計傍採浮譚臣恐不能濟也今歲秋稼不登軍糧統支數月決則成敗未知不決則坐見不濟臣聞作舍道邊三年不成帝王應運必有天命成敗天也在陛下獨斷莊宗蹶然而興曰正合吾意文天得則為王失則為虜行計決矣即日下令軍中家口並還魏州莊宗送劉皇后興聖宮使繼山及至朝城西野亭泣別曰事勢蹶今須一決事苟不濟無復相見乃留李紹宏及租庸使張憲守魏州大軍自揚劉濟河是歲擒王彥章誅梁氏降段凝皆崇韜贊成其謀也安金全代北人世為邊將少驍果使騎射武皇時為騎將屢征伐莊宗之救潞州其平河朔皆有戰功累為刺史

安審通金全之猶子也幼事莊宗累有戰功轉先鋒指揮使同光初為北京右廂馬軍都指揮使屯奉化軍四年春赴明宗急召軍趨夷門為前鋒天成初援單州刺史改濟州防禦使兼諸先鋒馬軍都指揮使

安元信字子言代北人元信以將家子便騎射幼事武皇從平巢蔡唐僖宗光啓中吐渾赫連鐸寇雲州武皇使元信拒之信兵敗於居庸關武皇嚴急元信不敢還遂定州王處存待之甚厚用為突騎都校昭宗乾寧中處存卒子告嗣時梁軍攻河朔三鎮奔命不暇梁將張存敬軍奄至城下既無宿備部俱挈其族奔太原元信從之武皇待之如初為鐵林軍使梁將氏叔琮之攻河東也別將葛從周自馬領入元信伏於榆次挫其前鋒

梁將李思安之攻上黨也王師將壁高河為梁軍所逼別將秦武者尤為難敵元信與閻覽之繇是梁軍解去城壘得立武皇賜所乘馬及細鎧仗遷突陣都將莊宗嗣晉王位元信從救上黨破夾寨復澤潞以功授檢校司空遼州刺史賜玉鞍名馬栢鄉之役日晚戰酷元信重傷莊宗自臨傳藥其年改授檢校司徒武刺史充內衙副都指揮使山北諸州都圍練副使從莊宗定魏博移為刺史與梁軍對壘得勝渡元信為右廂排陣使未幾為大同節度使

劉訓字遵範隰州永和人也出身行間初事武皇為馬軍隊長漸至散將屬河中王氏昆仲有尋戈之役訓從史儼攻陝州武皇討王行瑜以訓為前鋒後隸河中為隰州守禦都將居無何殺刺史以郡歸莊宗歷瀛州刺史

劉彥琮字比德雲中人也事武皇累從征役先是絳州史王權叛武皇言於彥琮意欲致之無幾從畋於汾晉之郊彥琮奔絳權以為附已待之甚厚因命為親騎會權出畋於馳驅之際彥琮刃權之首來獻武皇甚奇之

遠建豐自武皇破黃巢時於華陰年方九歲愛其精神爽俊俾牧養之漸長列於左右復習騎射補鐵林都虞候從破汾州王行瑜以功遷左親騎軍使轉突騎指揮使從莊宗解圍上黨破栢鄉陣累加右僕射左廂馬軍指揮使明宗為內衙指揮使建豐為副北討劉守光常身先士伍轉都教練使權藩漢副總管莊宗入鄴以心腹幹能選為魏府都巡檢使破劉鄩下衛磁洛

三郡有功檢校司空授洛州刺史於臨洛西敗梁將王遷數千
人生獲將領七十餘人俄拜相州刺史徵赴河上預戰於柳陂
建陂建豐領栢州軍士行營在外委州事於小人失於撫馭指
揮使孟守謙據城以叛建豐引兵討平之改隰州刺史

夏魯奇字邦傑青州人也初事宣武軍為軍校與王將不協遂
歸於莊宗以為獲衙指揮從周德威攻幽州燕將有單廷珪元
行欽時稱驍勇魯奇與之鬪兩不能解將士皆釋兵從觀幽州
平魯奇居功多梁將劉鄩在洹水莊宗深入致師鄩設伏於魏
縣西南葭蘆中莊宗不滿千騎汴人伏兵萬餘大譟而起圍莊
宗數重魯奇遂與劔關王門烏德兒等奪命決戰自午至申俄
而李審兵至方解魯奇持槍携劔獨衛莊宗手殺百餘人烏德

兒等被擒魯奇傷痍徧体自是莊宗尤憐之歷磁州刺史中都
之戰汴人大敗魯奇見王彥章識之軍馬追及槍擬其頸彥章
顧曰爾非予故人乎即擒之以獻莊宗壯之賞絹千匹梁平授
鄭州防禦使四年授河陽節度

張廷裕代北人也幼事武皇於雲中從平黃巢討王行瑜自行
間漸昇為小將莊宗定魏補天雄軍左廂馬步都虞侯歷蔚慈
隰三州刺史

康義誠字信臣代北三部落人也少以騎射事武皇從莊宗入
魏博補突騎軍使累遷本軍都指揮使

索自通字得之太原清源人也自通少能騎射嘗於山墅射獵
莊宗鎮太原時遇之於野訊其姓名即補右番斤直軍使後因

從獵射中走鹿轉指揮使佐周德威攻燕軍於涿州擒燕將郭
在軍從莊宗定魏博改突騎指揮使明宗即位自隨駕左右廂
馬軍都指揮使授忻州刺史歲余召還後典禁兵領韶州刺史
漢史引肇鄭州滎澤人也引肇少遊俠無行驍勇健步日行三
百走及奔馬梁末每七戶出一兵引肇在籍中後隸本州開道
都入禁軍嘗在晉祖麾下遂留為親從及踐祚用為控鶴偏將
高祖鎮太原奉請從行用為牙隧大將後起置武節左右指揮
以引肇為都將大州王暉叛以城歸契丹引肇征之身先士卒
一鼓而拔加檢校太保領雷州刺史漢國建王守恩以上黨來
附虜主命大將耿崇美率衆上太行欲取上黨高祖命引肇率
衆應接守恩軍至潞州契丹退去翟令奇以澤州迎降會河陽
武行德遣人迎引肇遂率衆南下與德合故高祖由蒲陝赴洛
如歸引肇前鋒之功也

周何福進漢高祖乾祐中為曹州防禦使太祖出鎮于新將謀
北代奏以福進自隨及太祖入平內難以輔讐功拜忠武軍節
度使

夫受命於廟受賑於社推轂以遣鑿門而出衽金革而不厭兵
四征弗庭是用武自三五之世乃有威讓之訓原野之罰焉春
秋戰國革車交驚故其握戎著攻城略地之績成斬將奪旗之
效者比有之楚漢競逐勲策可舉繇是後或內平亂略外攘夷
寇奉詞以討有罪勵兵而剪勅敵乃能戡夷克醜謚清邊圉鹵
獲之數無等追北之威莫亢闢疆以益地平國而吊民紀功於
竹帛稱伐於鍾鼎斯所謂折衝之虎臣殿邦之良帥者也

新刊監本用府元龜卷第三百四十八

李郊將帥部

秦軍立功

立功

孫武為吳將西破強楚入郢北威齊晉顯名諸侯與有力焉
司馬穰苴為齊景公將軍將兵扞燕晉之師聞之為罷去燕聞
之度水而解於是追擊之遂取所亡邦内故境
孫臏武之後也為齊威王師宣王二年與齊將田忌田嬰俱代
魏敗之馬陵虜太子申而殺魏將龐涓
吳起為魯將攻齊大破之魯君疑之謝起起於是聞魏文后賢
而事之文侯以為將擊秦拔五城

趙奢為趙將秦伐韓軍於闕與趙王令趙奢將救之大破秦軍
秦軍解而走遂解闕與之圍而歸

李牧為趙將居代鴈門大破殺匈奴十餘萬騎滅襜都甘檻路

切徐廣曰一作臨雀駟又案如諄曰胡明也在代地破東胡降林胡單于奔走其後十餘

歲匈奴不敢近趙邊城趙悼襄王元年廉頗既亡入魏趙使李
牧攻燕拔武遂方城居二年龐煖破燕軍殺劇卒後七年秦破
趙將殺扈輒於城斬首十萬趙乃以李牧為大將軍擊秦軍於
宜安大破秦軍走秦將桓齮封李牧為武安君三年攻番吾李
牧擊破秦軍南距韓魏

廉頗者為趙將惠文王十六年伐齊大破之取陽晉拜為上卿
自邯鄲圍解五年而燕用栗腹之謀舉兵擊趙趙使廉頗將大
破燕軍于鄣殺栗腹遂圍燕燕割五城請和乃聽之二十年廉
頗東攻齊破其一軍居二年廉頗復伐齊幾拔之幾邑名也案

王二十三年頗將攻魏之幾邑取一而趙世家及年喪無伐齊
幾拔之事實幾邑是名而取扈齊或屬魏耳田單在齊不得至
於拔也後三年廉頗攻魏之防陵安陽拔之

樂毅為燕亞卿昭王使毅約趙惠文王別使連楚魏令趙啗秦

齊毅還報昭王悉起兵使樂毅為上將軍趙惠文王以相國印

授毅於是并護趙楚韓魏燕之兵以伐齊破之濟西諸侯兵罷

歸而燕軍獨追至於臨菑盡取燕寶財物祭器輸之燕昭王大悅

齊皆城守毅攻入臨菑盡取燕寶財物祭器輸之燕昭王大悅

親至濟上勞軍行賞饗士封毅於昌國屬齊號為昌國君於是昭

王收齊鹵獲以歸而使毅復以兵平齊城之不下者毅留徇齊

五歲下齊七十餘城皆為郡縣以屬燕

秦商鞅孝公時為大良造將兵圍魏安邑降之又襲虜魏公子

卬因攻其軍盡破之

樗里子名疾惠王弟也惠王八年使將而伐晉曲沃盡出其人

取其城地入秦二十五年伐趙虜趙將軍莊豹拔蘭明年助魏

章攻楚敗楚屈丐取漢中地秦封樗里子號為嚴君甘茂惠王

時為將與魏章略定漢中地惠王卒武王立張儀魏章去東之

魏蜀侯輝相壯反秦使甘茂立蜀還而以甘茂為左丞相魏冉

封穰侯為秦將攻魏魏獻河東方四百里拔魏之河內取城大

小六十餘昭王三十二年為相國將兵攻魏走芒卯上莫卯切

入北宅三十三年魏背秦與齊從親秦使穰侯代魏斬首四萬

走魏將暴鳶得魏三縣明年穰侯與白起客卿故陽復攻趙韓

魏破芒卯於華陽下斬首十萬取魏之卷立權蔡陽長社趙氏

觀津也

白起郿人也昭王十三年為左庶長將西擊韓之新城明年為左更攻韓魏於伊闕斬首二十四萬又虜其將公孫喜拔五城

起遷為國尉涉河取韓安以東到乾音干河今河東聞喜縣北有乾河口因名乾

河里但有故溝處無復水也明年起為大良造攻魏拔之取城大小六十一

明年起與客卿錯攻垣城拔之河東垣縣後五年攻趙拔光狼

城後七年攻楚拔鄢鄧五城昭王二十八年其明年攻楚拔郢

燒夷陵遂東至竟陵楚王亡去郢東走徙陳秦以郢為南郡起

遷為武安君因取楚定巫黔中郡昭王二十四年攻魏拔華陽

走芊郊而虜三晉斬首十三萬與趙將賈偃戰沈其卒二萬人

於河中昭王四十三年攻韓陘城拔五城斬首五萬四十四年

攻河陽太行道絕之北南陽河內脩武是也四十五年伐韓之

野王降秦

王齕為左庶長昭王四十七年秦使齕音紇攻韓取上黨民走

趙趙軍長平在汝氏以按據上黨民四月齕因攻趙趙使廉頗

將趙軍士卒犯秦斥兵秦斥兵斬趙煜將茄六月陷趙軍取二

鄣四尉七月趙軍築壘壁而守之秦攻其壘取二尉取其

陣奪西壘壁廉頗堅壁以待秦秦數挑戰趙軍不出趙王數

以為讓九月趙卒不得食四十六日皆內陰相殺食求攻秦壘

欲出為四隊四五復之不能出其將軍趙括出銳卒自搏戰秦

軍射殺趙括括軍敗前後斬首虜四十五萬人趙人大震四十

八年十月秦復定上黨郡秦分軍為二王齕攻皮牢拔之司馬

梗定太原王剪為秦將始皇十一年剪將攻趙闕與破之拔九

城十八年攻趙歲餘遂拔趙趙王降盡定趙地為郡明年燕使
 荆軻為賊於秦秦王使王剪攻燕燕喜走遼東剪遂定燕薊而
 還剪後將六十萬人擊荆大破荆軍至靳南殺其將軍項燕荆
 軍遂敗走秦因乘勝略定荆地城邑歲餘虜荆王負芻竟平荆
 地為郡縣因南征百越之君十六日皆內刻時時秦秦剪子貢為秦將擊荆秦諱楚故云荆荆兵敗還擊魏魏王降遂
 定魏地後與李信破定燕齊地始皇二十六年盡并天下王氏
 蒙氏功為多名施於後世其神蒙驚為上卿莊襄王元年為秦將伐韓取成臯滎陽置三州郡
 二年攻趙取三十七城始皇三年蒙驚攻韓取十三城攻魏取
 二十城作置東郡

驚子武始皇二十三年為秦裨將軍與王剪攻楚大破之殺項

燕二十四年攻楚虜楚王武子恬因家世得為秦將始皇二十

六年攻齊大破之拜為內史秦已并天下乃使蒙恬將二十萬

衆北逐戎狄收河南築長城因地形用制陰塞起臨洮屬隴西

至遼東延袤萬餘里於是渡河至陽山五原西安陽縣北有陰山陰山在河南陽山在北

李信為將嘗以兵千逐燕太子丹於衍水中卒破得丹漢周勃

高帝六年以將軍從擊燕王臧荼破之易下今易縣臣欽若等曰勃漢五年以前

從攻項籍 並具將帥佐命門韓彭英盧皆放此所將卒當馳道為多 當高祖所

七年以將軍從高祖擊韓王信於代降下霍人以前至武泉屬縣

雲中擊胡騎破之武泉北轉攻信軍銅提破之還降太原六城

擊韓信胡騎晉陽下破之下晉陽復擊信軍於滌石地名滌音

破之追八十里還攻樓煩三城因擊胡騎平城下所將卒當馳道為多十年以太尉擊陳豨屠馬邑將卒斬豨將軍乘下降音乘

食證馬右降也轉擊韓王信陳豨趙利軍於樓煩破之得豨將

宋最鴈門守園園音下頓切鴈門守之名因轉攻得雲中守邀

承相箕隸將軍博邀古速字隸音離二切博者亦豨將之名

定鴈門郡十七縣雲中郡十二縣因復擊豨靈丘破之斬豨丞

相程縱將軍陳武都尉高隸定代郡九縣十二年燕王盧綰反

勃以相國代樊噲將擊下薊音計幽州縣名得盧綰大將丞相

偃守陘音刑盧綰郡守陘其名也大尉弱御史大夫施屠渾都

姓施屠名渾都渾胡昆切破綰軍上蘭後擊綰軍沮陽沮音阻

縣名屬上谷追至長城定上谷十二縣右北平十二縣遼東二

十九縣漁陽二十二縣最從高帝得相國一人最者凡也摠言

其攻戰克獲之數丞相二人將軍二千石各三人別破軍二下

城三定郡五縣七十九得丞相大將各一人

樊噲高帝六年以將軍從攻滅荼於燕虜荼定燕地七年以將

軍從攻韓王信於代自霍人以往至雲中與絳侯周勃共定之

十年擊陳豨與曼兵臣戰襄國破栢人先登降之定清河常山

凡二十七縣殘東垣殘為多殺傷也遷為左丞相破得荼母印

尹潘軍於無終廣昌姓荼母名印荼音其破豨別將胡人王黃

軍代南因擊韓王信軍參合軍所將卒斬信擊豨胡騎橫谷斬

將軍趙既虜代丞相馮梁守奮大將王黃將軍大將一人大僕

解福等十人與諸將共定代鄉邑七十三後燕王盧綰反噲以

解福等十人與諸將共定代鄉邑七十三後燕王盧綰反噲以

相國擊綰破其丞相抵薊南抵音丁禮切至也一說抵者其丞

相之名也定燕縣十八鄉邑五十一噲從高帝斬首百七十六

級虜二百八十七人別破軍七下城五定郡六縣五十二得丞

相一人將軍十三人二千石以下至三百石十二人酈商高帝

六年以將軍從擊滅荼戰龍脫地名破荼軍易下郤敵遷為右

丞相別定上谷因攻代受趙相國印與絳侯定代郡鴈門得代

丞相程縱守相郭同守相謂為相而居守者將軍以下至六百石

十九人後以右丞相擊豨殘東垣又從擊黥布攻其前垣謂攻

其壁壘之前垣陷兩陣得以破布軍凡別破軍三降定郡六縣

七十二得丞相守相大將各一人小將二人二千石以下至六

百石十九人

夏侯嬰高帝七年以大僕從擊韓王信軍胡騎晉陽大破之又

從擊胡騎句注北大破之又擊胡騎平城南三陷陳為功多從

擊陳豨黥布陷陳郤敵

灌嬰高帝七年以車騎將軍從擊韓王信於代至馬邑別降樓

煩以北六縣斬代左將破胡騎將於武泉北復從擊信胡騎晉

陽下所將卒斬胡白題將一人胡名也又從擊陳豨別攻豨丞

相侯敞軍曲逆下破之卒斬敵及特將五人卒謂所將之卒特

獨也各獨為也降四送盧奴上曲陽安國安平下東垣黥布反

以車騎將軍先出攻布別將於相破之斬亞將樓煩將三人又

進擊破布上柱國及大司馬軍又進破布別將肥銖嬰身生得

左司馬一人所將卒斬其小將十人追北至淮上凡從所得二

千石二人別破軍十六降城四十六定國一郡二縣五十二得將軍二人柱國丞相各一人二千石十人

斬歙

音翕

高帝七年以騎都尉從擊韓王信於平城下還軍東

垣有功遷為車騎將軍并將梁趙齊燕楚車騎別擊陳豨丞相

敞破之

侯飲

因降曲逆從擊黥布有功凡斬首九十級虜一百

四十二人別破軍十四降城五十九定郡國各縣二十二得王柱國各十人二千石以下至五百石三十九人

敦蒙為將軍高帝十年代相國陳豨反帝在邯鄲豨將侯敞將萬餘人遊行王黃將騎千餘軍曲逆張春將卒萬餘人度河攻聊城蒙與齊將擊大破之

周亞夫景帝三年以中尉為大尉東擊吳楚會兵滎陽

會集也

吳方攻梁亞夫東北走昌邑

走音奏

後食道吳楚既饑迺引而

去亞夫出精兵追擊大破吳王濞

音匹備切

吳王濞棄其軍與

社士數千人亡走保於江南丹徒漢兵因乘勝遂盡虜之降其

縣餘越人斬吳王頭以告凡相守攻三月而吳楚破平是時欒

布衛綰程嘉公孫渾邪

渾音吳溫切

邪音嗟

蘇息直不疑皆以

將軍擊吳楚有功封侯

衛青武帝元光六年以軍騎將軍擊匈奴出上谷至籠城

籠讀

與龍同斬首虜數百賜爵關內侯元朔元年秋復將三萬騎出

鴈門斬首虜數千明年復出雲中西至高關

高關山名一曰塞名

在朔方之北

遂至于隴西捕首虜數千畜百餘萬走白羊樓煩

王遂取河南地為朔方郡

當北地之北廣河之南也

以三千八

百戶封青為長平侯五年春令青將三萬騎出關衛尉蘇建為
遊擊將軍左內史李沮為彊弩將軍

沮音且

大僕公孫駕為騎

將軍代相李蔡為輕車將軍皆領屬車騎將軍俱出朔方大行

李息岸頭侯張次公為將軍俱出右北平匈奴右賢王當青等

兵以為漢兵不能至此醉飲漢兵夜至圍右賢王右賢王驚夜

逃獨與其愛妾一人騎數百馳潰圍北去漢輕騎校尉郭成等

追數百里弗得得右賢裨王十餘人眾男女萬五千餘人畜數

十百萬于是引兵而還至塞天子使使者持大將軍印即軍中

拜青為大將軍諸將皆以兵屬立號而歸明年春青以大將軍

出定襄合騎侯公孫敖為中將軍大僕公孫駕為左將軍翕侯

趙信為前將軍衛尉蘇建為右將軍郎中令李廣為後將軍左

內史李沮為彊弩將軍咸屬大將軍斬首數千級而還月餘悉

復定出定襄斬首虜萬餘人是歲趙信奔降單于元狩四年帝

與諸將議曰翕侯趙信為單于畫計常謂漢兵不能度幕輕留

今大發卒其勢必得所欲乃令青與票騎將軍霍去病

票音頻

妙切各五萬騎步軍轉者踵軍數十萬

轉者謂運轉重也踵接也

而敢力戰深入之士皆屬去病去病始為出定襄當單于捕虜

虜言單于東遷更令去病出代郡令青出定襄郎中令李廣為

前將軍大僕公孫賀為左將軍主爵趙食其為右將軍

食音異其音基

平陽侯曹襄為後將軍皆屬大將軍趙信為單于謀曰漢兵即

度幕人馬罷

罷讀曰疲

匈奴可坐收虜耳迺悉遠北其輜重皆

以精兵待幕北而適直青軍出塞千餘里

直讀曰值

見單于兵

陳而待於是青令武剛車自還為營而縱五千騎往當匈奴匈奴亦從萬騎會日且入而大風起沙礫擊面兩軍不相見漢益縱左右翼繞單于單于視漢兵多而士馬尚彊戰而匈奴不利

薄暮單于遂乘六羸壯騎可數百直冒漢圍西北馳去冒犯也

音暮克切昏漢匈奴相紛拏殺傷大當漢軍左校捕虜言單于

未昏而去漢軍因發輕騎夜追之青因隨其後匈奴兵亦散走

會明行二百餘里不得單于頗捕斬首虜萬餘級遂至寘顏山

趙信城趙信降匈奴匈奴為蔡城居之得匈奴積粟食軍食讀曰飲

軍留一日而還悉燒其城餘粟以歸青軍入塞凡斬首虜萬九

千級青凡七出擊匈奴斬捕首虜五萬餘級一與單于戰收河

南地置朔方郡其裨將及校尉侯者九人護軍都尉公孫敖為

合騎侯都校尉韓說龍額侯騎將軍公孫賀南窳侯窳亦作郊

音普教切輕車將軍李蔡樂安侯校尉李朔陟軹侯趙不虞隨

城侯公孫戎奴從平侯張騫博望侯上谷太守郝賢衆利侯將

軍李沮李息及校尉豆如意中即將綰皆有功賜爵關內侯

霍去病為票姚校尉票姚音飄搖一說票音頻妙切姚音羊召切

再從大將軍與輕勇射八百直棄大將軍數百里斬捕首虜二

千二十八級得相國當戶斬單于大父行籍若侯產罷若胡侯也產名也

此人單季祖父之行捕季父羅姑比再冠軍羅姑名也亦單于之季父也比音頻

寐切迺以二千五百戶封去病為冠軍侯元狩三年春以去病為

票騎將軍將萬騎出隴西過焉耆千餘里得胡首虜八千餘級

得休屠王祭天金人匈奴又祭天處本在票陽甘泉山下秦擊奮其地後徙之休屠王右地故休屠者祭

用符元

天金人象也作金人以為天神之主而登之今佛像是其遺法其夏票騎將軍復與合騎侯數

萬騎出隴西北地二千里過居延祁連山得胡首虜萬餘級裨

小王以下十餘人其後匈奴渾邪王休屠王欲降漢武帝恐其

詐乃令去病將往迎之去病將兵渡河渾邪裨王見漢兵多不

欲降頗遁去去病馳入與渾邪王相見斬其欲亡者八千人先

遣渾邪王詣行在去病盡將其眾渡河眾號十萬迺分處降者

於邊五郡故塞外而皆在河南因其故俗為屬國乃以千七百

戶益封去病四年大將軍衛青出定襄去病出代右北平二千

餘里直左方平直當也所捕功多於青以五百八戶封去病去

病凡六出擊匈奴其四出以行軍再出為票姚校尉也斬首虜

十一萬餘級渾邪王以眾降數萬開河西酒泉之地西方益少

胡寇其校吏司馬趙破奴封從票侯校尉高不識宜寇侯僕多

輝渠侯輝音許韋切右北平太守路博德邛離侯北地都尉衛

山義陽侯匈奴歸義復陸支復音芳曰切杜侯伊即軒音苦言切

眾利侯音苦言切

趙食其以主爵都尉從大將軍斬首六百六十級元狩三年賜

爵關內侯

楊僕元鼎五年秋以主爵都尉為樓船將軍與伏波將軍邛離

侯路博德平南粵樓船將軍出豫章下橫浦將精卒先陷尋樞

破石門得粵船粟因推而前挫粵鋒以粵數萬人待伏波將軍

伏波將軍將罪人道遠後期樓船會迺有千餘人遂俱進樓船

居前至番禺粵王建德與其相呂嘉皆城守樓煩自擇便處居

居

東南面伏波居西北面會暮樓船攻敗粵人縱火燒城遲旦城中皆降伏波遲音二呂嘉建德以夜與其屬數百人亡入海伏波

又問降者知嘉所之遣人追故騎校司馬蘇弘德建德粵即都

稽得嘉越中所置也稽音鷄南粵平伏波將軍益封樓船將軍韓說音悅

元鼎六年秋以待詔為橫海將軍與樓船將軍楊僕中尉王溫

舒平東粵說出句章會稽之縣浮海從東方往僕出武林溫舒

出海嶺元封元年冬咸入東粵自兵未往故粵行侯吳陽前在

漢漢使歸諭東粵王餘善不聽及橫海軍至陽以其邑七百人

反攻粵軍於漢陽及故粵建成侯敖與繇王居股謀俱殺粵王

餘善以其衆降黃海將軍為案道侯校尉劉福為繚婁侯繚音

遼音響對史臣馬融歎歎姓劉案道侯高不痛且劉對

李廣利太初四年為貳師將軍擊大宛宛兵迎擊漢兵漢兵射

敗之宛兵入保其城攻之四年餘宛貴人殺其王母寡王母寡宛名殺

漢使者迺出其馬令漢自擇漢軍取其善馬數十匹中馬以下

牝壯三千餘匹而立宛貴人故時遇漢善者名昧蔡為宛王音昧

未蔡音切貳師將軍之東出謂旋軍東出所過小國聞宛破皆使其子

弟從入貢獻因為質焉封廣利為海西侯食邑八千戶初貳師

起燉煌為人多道上國不能食起發也道國近道諸國也食讀曰飢分為數軍從

南北道校尉王申生故鴻臚壺充國等千餘人別至郁成城守

不肯給食申生去大軍二百里負而輕之負持也持大軍之威輕敵人攻郁

成急郁成窺知申生軍少晨用二千攻殺申生等數人脫亡走

貳師走音奏貳師令搜粟都尉上官傑往攻破郁成郁成降其

王亡走康居傑追至康居康居聞漢已破宛出郁成王與傑傑
令四騎士縛守詣大將時多利欲故謂上邽騎士趙弟拔劍擊

斬郁成王后天子封廣利為海西侯弟為新時侯軍正趙始成
功最多為光祿大夫上官桀敢深入為少府李哆有計謀為上

黨太守哆音昌野切軍官吏為九卿者三人諸侯相郡守二千石百
十餘人千石以下千餘人

范明友昭帝元鳳三年以中郎將為度遼將軍將二萬騎出遼
東擊烏桓斬首六千餘級獲三王首還封為平陸侯

趙充國昭帝時以大將軍護軍都尉將兵擊武都反氏音丁定奚切
之還為水衝都尉擊匈奴獲西社王匈奴王也宣帝本始中為蒲類

將軍征匈奴斬虜數百級神爵元年先零諸羗反充國以後將
軍引兵至先零在所虜又屯聚解弛解弛放也望見大軍棄車重

欲度湟水重音直用切道阨狹充國徐行驅之虜赴水溺死者數百
降及斬首五百餘人鹵馬牛羊十萬餘頭車四千餘兩音諒又與

彊弩將軍許壽擊西羗充國所降復將五百餘人
常惠本始二年以光祿大夫使烏孫公主及昆彌皆遣使因惠

言匈奴連發大兵擊烏孫取車延惡師地收其人民去使使脅
求公主欲隔絕漢昆彌發國中精兵自給人馬五萬騎盡力擊

匈奴為天子出兵以救公主昆彌於是漢大發十五萬騎五將
軍道出五將軍為社連將軍田廣明蒲類將軍趙充國武牙將軍田順度遼將軍范明友前軍將韓增以惠為

校尉持節護烏孫兵昆彌自將翎候以下五萬餘騎翎即翕字也翎候孫

也官號從西方入至右谷蠡庭谷音鹿蠡音黎獲單于父行及嫂居次匈奴

女彌若言公也
行音胡浪切
名王騎將以下三萬九千人得馬牛羸橐佗五

萬餘匹羊六十餘頭烏孫皆自取鹵獲

陳湯為西城副校尉與都護甘延壽破郅支單于斬闕氏太子
名王以下千五百一十八級生虜百四十五人降虜千餘人

段會宗成帝時為右曹中郎將烏孫小昆彌末振將其名殺大

昆彌病死漢恨誅不加元延中遣會宗發戊己校尉諸國兵即

誅末振將太子番丘會宗恐大兵入烏孫驚番丘亡逃不可得

即留所發兵墊婁地選兵三十弩徑至昆彌所在召番丘青以

未振將骨肉相殺殺漢公主子孫未伏誅而死使者詔誅番丘

即手劔擊殺番丘官屬以下驚恐馳歸天子賜會宗爵關內侯

後漢鄧禹光武建武元年以大司從與精弩將軍馮驍騎將軍

樊崇車騎將軍崇歆建成將軍鄧尋赤眉將軍耿訢軍師將左

于西討赤眉既渡汾陰河入夏陽更始中郎將左輔都尉公乘

歆引其衆十萬與左馮翊兵共拒禹於衙禹復破走之

馮異建武二年以孟津將軍引擎陽翟賊嚴終趙根破之時赤

眉延岑暴亂三輔郡縣大姓各擁兵衆大司徒鄧禹不能定乃

遣異代禹討之所至皆布威信弘農郡盜稱將軍者十餘輩皆

弃衆降異異與赤眉遇於華陰相拒六十餘日戰數十合降其

將劉始王宣等五千餘人三年春拜異為征西大將軍破赤眉

於嶠底降男女百萬人餘衆尚十餘萬東走宜陽時延岑據藍

田王歆據下邳芳丹據新豐芳作茅蔣震據霸陵張卬據長安公

孫守據長陽陽周據谷口呂鮪據陳倉角闕據汧駱蓋延據盩

屋任良據槐里各稱將軍擁兵多者萬餘少者數千人轉相攻
擊異且戰且行屯軍上林苑中延岑既破赤眉自稱武安王拜
置收守欲據關中引張邠任良共攻異異擊破之斬首千餘級
諸營保守附岑者皆來降歸異岑走攻析異遣復漢將軍鄧舉
輔漢將軍子正要擊岑大破之降其將蘇臣等八千餘人岑遂
自武關走南陽異乃稍誅擊豪傑不從令者褒賞降附有功勞
者悉遣其渠師詣京師散其衆歸本業威行關中唯呂鮪張邠
蔣震遣使降蜀其餘悉平明年公孫述遣將程焉將數萬人就
呂鮪出屯陳倉異與右扶風趙正迎擊大破之焉退走漢川異
追戰於箕谷復破呂鮪營保降者甚衆其後蜀復數遣將間出
異輒摧挫之六年朝京師是時諸將上隴為隗囂所敗及詔異

軍狗邑未及至隗囂乘勝使其將王元行巡狩二萬餘人下隴

因分遣巡取狗邑異即馳兵乘其不意卒擊鼓建旗而出巡軍

驚亂奔走追擊數十里大破之征虜將軍祭遵亦破王元於汧

於是時異進軍義渠

北地縣名

并領北地太守軍青山胡率萬餘人

降異異又擊盧芳將賈覽匈奴尊韃日逐王破之上郡安定皆

降異復領安定太守事九年春祭遵卒詔異守征虜將軍并將

其營及隗囂死其將王元周宗等復立囂子純猶總兵據異公

孫述遣將趙正等救之帝復令異行天水太守事攻正等且一

年皆斬之

岑彭建武二年行大將軍事擊荊州下準葉等十餘城是時南
方尤亂南郡人秦豐據黎丘自稱楚黎王略十有二縣董訢起

堵鄉訴却起杏

南陽復陽縣有聚杏

又更始諸將各擁兵據南陽諸城彭

破杏降訴却遷征南大將軍三年夏光武自將征南至葉董訴別將數千人遮道車騎不得前彭奔擊大破之車駕既還令彭率傳俊滅宮劉宏等三萬餘人南擊秦豐拔黃邨豐與其大將蔡宏拒彭等於鄧數月不得進帝怪以讓彭彭懼於是夜勒兵馬申令軍中使明旦西擊山都乃緩所獲虜令得逃亡歸以告豐豐即悉其軍西邀彭彭乃潛兵度沔水擊其將張揚於阿頭山大破之從川谷間伐木開道直襲黎丘擊破諸屯丘豐聞大驚馳歸救之彭與諸將依東山為營豐與蔡宏夜攻彭彭豫為之備出兵逆擊之豐敗走追斬蔡宏更封彭為舞陰侯秦豐與相趙京舉宜城降拜為成漢將軍與彭共圍豐于黎丘時田戎

擁眾夷陵

觀記曰田戎西人與同郡人陳義客夷陵為群盜更始元年義戎將兵陷夷陵義自稱黎丘大將軍戎自

稱歸地大將軍襄陽耆旧記曰戎號周成王義稱臨江王

聞秦豐被圍懼大兵至欲降而

妻兄辛臣諫曰今四方豪傑各據郡國洛陽地如掌耳不如按

甲以觀其變戎曰以秦王之彊猶為征南所圍豈况吾邪降計

决矣四年春戎乃留辛臣守夷陵自將兵沿江浙沔止黎丘刻

期日當降而辛臣於後盜戎珍寶從間道先降於彭而以書招

戎戎疑必賣已遂不敢降而反與秦豐合彭出攻戎數月大破

之其大將伍公詣彭降戎士歸夷陵帝幸黎丘勞軍封彭吏士

有功者百餘人攻秦豐三歲斬首九萬餘級豐餘兵裁千人又

城中食且盡帝以豐轉弱令朱祐伐彭守之使彭與傳俊南擊

田戎大破之遂拔夷陵追至梯歸戎與數騎亡入蜀盡獲其妻

子士衆數萬人十一年春彭與大司馬吳漢及誅虜將軍劉隆
輔威將軍臧宮驍騎將軍劉歆發南陽武陵南郡兵又發桂陽
零陵長沙委輔掉卒凡六萬餘人

掉辛行持掉船也
一作濯音直教切

騎五千匹

皆會荆門吳漢以三郡掉卒多費糧穀欲罷之彭以為蜀兵盛
不可遣上書言狀帝報彭曰大司馬習用步騎不曉水戰荆門
之事一由征南公為重而已彭乃令軍中募攻浮橋先登者上
賞於是偏將軍魯奇應募而前時天風狂急奇船迎流而上直
衝浮橋而攢柱鈎不得去奇等乘勢殊死戰因飛炬焚之風怒
火盛橋樓摧燒彭復悉軍順風並進所向無前蜀兵大亂溺水
者數千人斬任滿生獲程汎而田戎亡保江州彭上劉隆為南
郡太守自率臧宮劉歆長驅入關令關中軍無得虜掠所過百

姓皆奉牛酒迎勞彭見諸耆老為言大漢哀愍巴蜀久見虜役
故興師遠伐以討有罪為人除害讓不受其牛酒百姓皆大悅
爭開門降詔彭守益州牧所下郡輒行太守事彭到江州以田
戎食多難卒拔留馮駿守之自引兵乘利直指墊江攻破平曲
收其米數十萬石公孫述使其將延岑呂贄王元及其弟恢悉
兵拒廣漢及資中又遣將侯丹率二萬餘人拒黃石彭乃多張
疑兵使護軍楊翕與臧宮非延岑等曰分兵浮海下還江州沂
都江而上襲擊侯丹大破之因晨夜倍道兼行二千餘里徑拔
武陽使精騎馳廣都去成都數十里勢若風雨所至皆敗
賈復建武元年以執金吾先渡河攻更始將朱贄於洛陽與白
虎公陳儁戰連破降之二年與騎都尉陰識驍騎將軍劉植南

度王杜津擊更始郾王尹尊連破之月餘尊降盡定其地引兵東擊更始淮陽太守暴汜汜降屬郡悉定其秋南擊召陵新息平定之明年春遷左將軍別擊赤眉於新城涵池間連破之吳漢為大司馬以建武二年率大司空王梁建義大將軍朱祐大將杜茂執金吾賈復楊化將軍堅鐔偏將軍王霸騎都尉劉隆馬武陰識共擊檀鄉賊於鄴東漳水上大破之降者十餘萬人復率諸將擊鄴西山賊黎伯鄉等及河內脩武悉破諸屯聚復進兵南陽擊宛涅陽鄠穰新野諸城皆下之引兵南與秦豐戰黃郵水上破之又與偏將軍馮異擊昌城五樓賊張文等又攻銅馬五幡於新安皆破之明年春率建威大將軍耿弇虎牙大將軍蓋延擊青犢於軹西大破降之明年又率陳俊及前將軍

王梁擊破五校賊於臨平追至東郡箕山大破之北擊清河長

直及平原五里賊皆平之長直一作長植在河南不得言北擊當是賊號或地名也時鬲縣

五姓共遂守長據城而反鬲音革縣名屬平原群五姓蓋當是士疆宗豪右也漢大破其

衆因追討餘黨至無益縣名屬東平進擊敦海皆平之又從征董憲

圍朐城明年春拔朐斬憲東方悉定十一年春率征南大將軍

岑彭等伐公孫述及彭破荆門長驅入江關漢留夷陵裝露撓

船撓短楫也音人連切將南陽兵及弛刑募士三萬人沂江而上會岑彭

為刺客所殺漢并將其軍十二年春與公孫述將魏黨公孫永

戰於魚涪津大破之十五年復率楊武將軍馬成捕虜將軍馬

武北擊匈奴徙鴈門代郡上谷吏人六萬餘口置居庸常關以

東八年蜀郡守將史於成都自稱大司馬攻本守張穆穆踰走

廣都歆遂移檄郡縣而宕渠楊偉昫聰徐容等起兵數千人以
應之歆昔為岑彭護軍曉習兵事故遣漢率劉尚及太中大夫
臧宮將萬餘人討之漢入武都乃發廣漢巴蜀三郡兵圍城都
百餘日城破誅歆等漢乃乘浮沿江下巴郡楊偉徐容等惶恐
解散漢誅其渠師二百餘人徙其黨與數百於南郡而還
蓋延建武二年以虎牙將軍南擊赦倉轉攻酸枣封兵皆拔其
夏督駙馬武騎都尉劉隆護軍都尉馬成偏將軍王霸等南伐
劉永先攻拔襄邑進取麻鄉縣名故作令成在遂圍劉永於淮
陽數月盡收野麥夜梯城其入永驚懼引兵走東門延追擊大
破之棄軍走譙延進攻拔薛斬其魯郡太守而彭城扶陽杼秋
蕭皆降之破永沛郡太守斬之永將蘇茂佼彊周建等三萬餘

人救永共攻延延與戰於沛西大破之永軍亂遁沒溺死者大
半永棄城走湖陵蘇茂奔廣樂延遂定沛楚臨淮三年睢陽復
反城迎劉永延復率諸將圍之百日牧其野穀永乏食突走延
追擊盡得輜重永為其將所殺永弟防舉城降四年春延又擊
蘇茂周建於勒進與董憲戰留下皆破之因率平敵將軍龐萌
攻西防拔之復追敗周建蘇茂於彭城茂建亡奔後從征董憲
於昌虜皆平之六年春遣屯長安九年隗囂死西擊街泉略陽
清水諸聚屯皆定

陳俊建武五年以琅邪太守行大將軍事將以擊董憲於贛榆

贛榆縣名屬東海郡贛音貢

進破昫賊孫陽平之八年張步畔還琅邪進追

討斬之帝美其功詔俊得專征青徐

臧宮為騎都尉建武三年將突騎與征虜將軍祭遵擊更始將
左防韋顏於沮陽韋一作韓麗悉降之五年將兵徇江夏擊代鄉鍾

武竹里皆下光武使大中大夫持節拜宮為輔威將軍七年擊

梁郡濟陰皆平之十一年與諸將伐公孫述軍平陽鄉蜀將王

元舉衆降進拔韓竹破涪城斬公孫述弟恢復攻繁郾前後收

得節五印綬千八百是時大司馬吳漢亦乘勝進營逼成都宮

連屠大城兵馬旌旗甚衆乃乘兵入小維郭門歷城都下至吳

漢營飲醉高會漢見之甚歡謂宮曰將軍向者經虜城下震陽

威靈風行電照然宛寇難追還營願從他道矣宮不從復路而

歸賊亦不敢近之軍咸門與吳漢並滅公孫述

新刊監本冊府元龜卷第三百四十八

新刊監本冊府元龜卷第三百四十九

將帥部

立功第二

後漢耿弇建武初以建威大將軍與驃騎大將軍景丹強弩將

軍陳俊攻厭新賊於教倉皆破降之三年延岑自武關出攻南

陽下數城穰人杜弘率其衆以從岑弇與岑等戰於穰大破之

斬首三千餘級生殺其將士五千餘人得印綬三百杜弘降岑

與數騎遁走東陽四年與建義大將軍朱祐漢忠將軍王常等

擊望都故安西山賊十餘營皆破之五年與大司馬吳漢擊富

平獲索賊於平原大破之降者四萬餘人內詔弇進討張步弇

悉收集降卒結部曲置將吏率騎都尉劉歆泰山太守陳俊引

兵而東從朝陽橋渡河以度

朝陽縣名屬濟南郡

步聞大笑曰以充來大

彤十餘萬衆吾皆即其營而破之今大耿兵少於彼又皆疲勞

可足摧乎乃與三弟藍引壽及故大彤渠帥重異等兵號二十

萬至臨淄大城東將攻弁弁先出淄水上與重異過突騎欲縱

弁恐挫其鋒令步不敢進故示弱以盛其氣乃引歸小城陳兵

於內步氣盛直攻弁營劉歆等弁戰弁升王宮環臺望之

臨淄本齊

國所都即齊王宮中有環臺也

視歆等鋒乃自出精兵以橫突步陳城下

大破之飛矢中弁服以佩刀截之左右無知者至暮罷弁明旦

復勒兵出大戰自旦及昏復大破之殺傷無數城中溝塹皆滿

弁知步困將退豫置左右翼為伏以待之

兩旁伏兵如鳥之翼

定時步引去伏兵起縱擊追至鉅昧水上

鉅昧水名一名巨洋水在今青州壽縣光西

尸相屬收得輜重二千餘兩步還劇兄弟各分兵散去後數日

車駕至臨淄自勞軍弁因復追步步平壽乃肉袒負斧鑕於軍

門弁傳步詣行在所而勒兵入據其城樹十二都旗鼓令步兵

各以郡人詣旗下衆向十餘萬輜七千餘兩皆罷遣歸鄉里弁

復引兵至城陽降五校餘黨齊地悉平振旅還京師六年西拒

隗囂屯兵於漆八年從上隴明年與中即將來歆分部徇定北

地諸營保皆下之弁凡所平郡四十六屠城三百未嘗挫折

鈞期建武元年以魏郡太守行大將軍事擊更始將卓京於鄴

城破之斬首六百餘級京入山追斬其將校數千人獲京妻子

進擊檀鄉五校賊於繁陽內黃復斬數百餘級

祭遵建武二年以征虜將軍與驃騎將軍景丹建義大將軍朱

...

祐漢忠將軍王常騎都尉王梁滅宮等入箕關南擊弘農厭新

伯萃蠻中賊伯萃聚名大破之時新城蠻中山賊滿新城縣名今伊關縣屯結

險隘為人害詔攻拔生獲之遵引兵南擊鄧奉弟終於杜衍破

之杜衍縣名屬南陽郡涿郡太守張豐執使者舉兵反自稱無大將軍與

彭寵連兵四年遵與朱祐及武威大將軍耿弇驍騎將軍劉禧

俱擊之遵兵先至急攻豐豐功曹孟宏執豐降宏臂之也音引公反

諸將皆引還遵受詔屯良鄉拒彭寵因追護軍傳玄襲擊寵將

李豪於潞大破之斬首千餘人相拒歲餘數挫其鋒黨與多降

者及寵死遵進定其地六年春光武遣諸將伐公孫述以遵為

前行隗囂使其將元拒隴抵邊進擊破之追至新關及諸將到

與囂戰並敗引退下隴乃詔遵軍沂耿弇軍滌征西大將軍馮

異軍炮邑大司馬吳漢等還屯長安自是後遵數挫隗囂耿純

建武四年以東郡太守將兵擊更始東平太守范荆降進擊

泰山濟南及平原賊皆平之

朱祐建武三年以建義大將軍擊新野皆平之隨縣名

延岑自敗於穰遂與秦豐將張成合祐率征虜將軍祭遵與戰

於東陽大破之東陽聚名在南陽臨陳斬成延岑敗走歸豐祐收得印

綬九十九進擊黃郵降之四年率破姦將軍耿植代征南大將

軍岑彭圍秦豐於黎兵破其將張康於蔡陽斬之明年夏城中

窮困豐乃將其母妻子九人肉袒降祐祐還與騎都尉滅宮會

擊延岑餘黨陰都筑陽三縣賊悉平之

景丹建武二年以驃騎大將軍與建威大將軍耿弇建武大將

用符元

軍朱祐執金吾賈復偏將軍馮異彊弩將軍陳俊左曹王常騎都尉臧宮等從擊破五校於葦陽聚名降其衆五萬人

王梁建武二年以中郎將行執金吾事北守箕關擊赤眉別校降之三年春轉擊五校追至信都趙國破之悉平諸屯聚四年

春擊肥城文陽拔之肥城縣名屬泰山郡文音汶故城在兗州泗州水縣西進與驃騎大將

軍杜茂擊佼彊蘇茂於楚沛間拔大梁齧栗縣名或曰成名而捕虜將

軍馬武偏將軍王霸亦分道並進歲餘悉平之

杜茂建武二年以大將軍與中郎將王梁擊五校賊於魏郡清

河東郡悉平諸營保降其持節大將三十六餘人三郡清靜明

年以驃騎大將軍擊沛郡拔芒芒縣名復名臨睢時西防復反迎佼彊

五年春捕虜將軍馬武進攻西防數月拔之

馬成建武四年以陽武將軍督誅虜將軍劉隆振威將軍宋登

射聲校尉王賞發會稽丹陽九江六安四郡兵擊李憲圍憲於

舒歲餘城中食盡乃攻之遂屠舒斬憲追擊其黨與進平江淮

地九年代來歙守中郎將率武威將軍劉尚等破河池遂平武

都河池今鳳州縣一名九池

劉隆建武四年以誅虜將軍討李憲平之十七年以中郎將副

伏波將軍馬援擊交趾蛮夷徵側等隆別於禁谿口破之交趾郡

冷縣有金溪穴相傳音訛謂之禁溪側等所敗處也其地今岑州新昌縣也麓音麋冷音零獲其帥徵貳徵側

之斬首千餘級降者二萬餘人

傳俊三年以精弩將軍與征南大將軍岑彭擊破秦豐因將兵

徇江東揚州悉定

監鐔建武元年以楊化將軍與誅將攻洛陽而朱鮪別將守東城者為反間私約鐔晨開上東門上東門洛陽故城東面北頭第一呼鐔與建義

大將軍朱祐乘朝而入與鮪大戰武庫下洛陽建始殿東有大倉倉東有武庫藏兵

殺傷甚衆至旦日乃罷朱鮪由是遂降又別擊內黃平之

馬武建武四年以騎都尉與虎牙將軍蓋延等討劉永武別擊

濟陽下城武楚兵拜捕虜將軍明年龐萌反攻桃城武先與戰

破之

李通建武六年以前將軍領破姦將軍侯進捕虜將軍王霸等

十營擊漢中賊公孫述遣兵救通等與戰西城破之

王常建武二年以漢中將軍北擊河間漁陽平諸屯聚五年秋

攻拔湖陵又別率騎都尉王霸共平沛郡苗虛也七年為橫野大

將軍別擊破隗囂將高峻於朝那縣名屬安定郡囂遣將遏烏氏常要

擊破之轉降保塞羗諸營壁沓平之九年擊內黃賊破之

來歙建武八年以中郎將與征虜將軍祭遵襲隗囂之略陽遵

道病還分精兵隨歙合二千餘人伐山開道從番須回中番音船番

須回中並地名徑至略陽徑直也斬隗囂守將金梁因保其城及隗囂

平詔歙率征西大將軍馮異建威大將軍耿弇虎牙大將軍蓋

延楊威將軍馬成武威將軍劉尚入天水擊破公孫述將田弇

趙正明年攻拔落門聚名隗囂支黨周宗趙恢及天水屬縣皆

降歙又率蓋延劉尚及太中大夫馬援等進擊羗於金城大破

之斬首虜數千人獲牛羊萬餘頭穀十萬斛

竇融建武六年以河西大將軍率諸郡守將兵入金城初更始

破之

時先零羗封何諸種殺金城太守居其郡隗囂使賂遺封河與
結盟欲發其衆融等因軍出進擊封何大破之斬首千餘級得
牛馬羊萬頭穀數萬斛因並河陽威武並音蒲琅反同侯車駕時大
兵未至融乃引還

王霸建武六年以討虜將軍屯函谷關擊滎陽中牟盜賊皆平
之十年與吳漢等四將軍六萬人出高柳擊賈覽詔霸與渙陽
太守陳訴將兵為諸軍鋒匈奴左南將軍數千騎救覽霸等連
戰於平城下破之追出擊斬首數百級

張宗為太中大夫建武八年潁川桑中盜賊群起宗將兵擊定
之後青冀盜賊屯聚山澤宗以謁者督諸郡兵討平之十六年
琅邪北海盜賊復起宗督二郡兵討之乃設方略明搆賞皆悉
破散於是沛楚東海臨淮郡賊懼其威武相捕斬者數千人青
徐震慄

劉尚建武九年以武威將軍從征西大將軍馮異入天水擊公
孫述將田弇等明年與中將來歙擊羗於金城大破之十八年
夷渠師棟蠡與姑復楛榆楛棟連然洹池建憐昆明諸種反叛
殺長吏益州太守繁勝與戰而敗退保朱提十九年遣尚發廣
漢健為郡屬人及朱提夷合萬三千人擊之尚軍遂渡瀘水入
益州界群夷聞大兵至皆弃壘奔尚獲其羸弱穀畜二十年進
兵與棟蠡等連戰數月皆破之明年正月追至不韋斬棟蠡帥
凡首虜七千餘人得生口五千七百人馬三千匹羊牛三萬餘
頭諸夷平

馬援建武十一年以隴西太守發步騎三千人擊破先零羗於臨洮斬首數百級獲馬牛羊萬餘頭守塞諸羗八千餘人詣援降諸種有數萬屯衆寇鈔拒浩疊隘援與楊武將軍馬成擊之羗因將其妻子輜重移阻於充吾谷援乃潛行間道掩赴其營羗大驚環復遠徙康翼谷口援復追討之羗引精兵聚北山上援陳軍向山而分遣數百騎繞襲其後乘夜放火擊鼓譟虜遂大潰凡斬首千餘級援以兵少不得窮追收其穀糧十三年武都參狼羗與塞外諸種為寇殺長吏援將四千餘人擊之至氐道縣羗在山援軍據便地奪其水草不與戰羗遂窮因豪師數十萬戶亡出塞諸種萬餘悉降於是隴右清靜十七年交趾女子徵側其女弟徵貳反攻沒其郡九真日南合浦蠻夷皆應之

寇略嶺外六十餘城側自立為王於是璽書拜援伏波將軍以扶藥侯劉隆為副督樓船將軍段志等南擊交趾軍至合浦而志病卒詔援並將其兵遂緣海而進隨山刊道千餘里刊除也

十八年春軍至浪泊上與賊戰破之斬首數千級降者萬餘人援追徵側等至禁谿數敗之賊遂敗走明年正月斬徵側徵貳傳首洛陽又將樓船大小二千餘艘戰士二萬餘人進擊九真賊徵側餘黨都羊等自無功至居風無功居風二縣並屬九真郡居風今受州

斬獲五千餘人矯南悉平授至交趾立銅柱二十五年春擊武

陵五溪蠻夷至陵鄉屬武陵遇賊攻縣援迎擊破之斬獲二千

餘人皆敗走入竹林中

竇固明帝永平十五年以奉車都尉與騎都尉耿忠屯涼州明

年固與忠率酒泉燉煌張夜甲卒及瀘水羗胡萬二千騎出酒

泉塞至天山即杜連山也在西州交河縣東呼衍王斬首千餘級呼衍王走追

至蒲類海今名婆悉海在定州蒲昌縣東南明年復出玉門擊西城固遂破白

山降車師耿秉平十七年以駙馬都尉與奉車都尉竇固合兵

萬四十騎出白山擊東師從王縱兵抄掠斬首數千級收馬牛

十餘萬頭後王安得震怖從數百騎出迎秉其前王亦歸命遂

定車師而還章和二年以征西將軍副車騎將軍竇憲擊北匈

奴大破之封美陽侯

馬防為城門校尉章帝建初二年金城隴西保塞羗皆反拜防

行車騎將軍事以長水校尉耿恭副將北軍五校兵及諸郡積

射士三萬人擊之軍到莫而羗豪布橋等圍南部都尉於臨洮

防欲救之臨洮道險車不得方駕防乃別使兩司馬將數百騎

分為前後軍去臨洮十餘里為大營多樹幡幟揚言大兵且當

進羗侯見之馳還言漢兵盛不可當明且遂鼓譟而前羗虜驚

走因追擊破之斬首虜四千餘人遂解臨洮圍防開以恩信燒

當種皆降唯布橋等三萬餘人在臨西南望曲谷十二月羗又

敗耿恭司馬及隴西長史於和罷谷死者數百人明年春防遣

司馬夏駿將五千人從大道向其前潛遣司馬馬彭將五千人

從間道衝其心腹令將兵長史李調等將四千人繞其西道三

道俱擊復破之斬獲千餘人得牛羊十餘萬頭羗退走夏駿追

之反為所敗防乃引兵與戰於索西又破之索西縣名在泯州和政縣東亦名臨

城北東布橋迫急將種人萬餘降還拜車騎將軍

城

城

班超建初八年以將兵長史假鼓吹幢麾鎮西城橫吹幢麾皆

非大將故音假也後四年超發于寘諸國兵二萬五千人擊莎車追斬

五千餘級大獲其馬畜財物莎車遂降威震西域永元三年以

超為都護六年秋超遂發龜茲鄯善等八國兵合七萬人及吏

士賈客千四百人討焉耆焉耆王廣尉黎王汎及北鞬支等三

千人詣超超收廣汎等於陳陸故城斬之傳首京師因縱兵鈔

掠斬首五千餘級獲生口萬五千人馬畜牛羊三十餘萬頭更

立左侯元孟為焉耆王超留焉耆半歲慰撫之於是西域五十

餘國悉皆納質內屬焉明年封討超為定遠侯邑千戶

張紆章和元年以隴西太守代傳育為護羗校尉將萬人屯臨

羗是時迷吾既殺傳育徂伏邊利復與諸種步騎七千人入金

城塞紆遣從擊司馬馬防將千餘級及金城兵會戰于大乘谷

迷吾兵敗走因譯使欲降紆納之遂將衆人詣臨羗縣紆設兵

大會施毒酒中羗飲醉紆因自擊伏兵起誅殺酋豪八百餘人

斬迷吾等五人頭以祭育家復放兵擊在山谷間者斬首四百

餘人得生口二千餘人

竇憲永元元年以車騎將軍與執金吾耿秉各將四千騎及南

匈奴左谷蠡王師子師子其名萬騎出朔方鷄鹿塞南單于屯屠河

屯屠河單于名將萬餘騎出滿夷谷度遼將軍鄧鴻禹少及緣邊義從

羗胡八千騎與左賢王安國萬騎出搆陽塞搆音固在五原郡

皆會涿和山憲分遣副校尉閻盤司馬耿譚耿夔將左谷蠡王

師子右呼衍王訾等今呼延姓是其後須訾名也精騎萬餘與北單于戰於

稽洛山大破之虜衆奔潰單于遯走追擊諸部遂臨斯渠北鞬

海匈奴由海名也斬名王已下萬三千級獲生口馬羊牛橐駝百餘萬

頭餘積湏日逐温吾夫渠王柳鞬等八十一部率衆降者前後

一十餘萬憲與耿秉遂登燕然山刻石勒功而還詔拜憲大將

軍

耿夔永元元年以大將軍左校尉將精騎八百出居延塞直奔

北單于庭于金微山斬闕氏名王已下五千餘級單于與數騎

脫亡盡獲其匈奴珍寶財畜去塞五千餘里而還自漢出師所

未嘗至也乃封夔粟邑故城在今同州白水西北永初三年南單于擅反畔

夔以遼東太守率鮮卑及諸郡兵屯鴈門與車騎將軍何熙共

擊之熙推夔為先鋒而遣其司馬耿溥劉禮將二千人與夔俱

進到屬國故城單于遣奠鞬日逐王三千餘人遮漢兵夔自擊

其左將令鮮卑攻其右虜遂敗走追斬千餘級殺其名王六人

獲穹廬車千餘兩馬畜生口甚衆

梁懂殤帝延平元年以西域副校尉行至西河會西域諸國反

叛攻都護任尚於疏勒尚上書求救懂將河西郡羗故五千騎

馳赴之懂未至而尚已得鮮會徵尚還以騎都尉段禧為都護

西域長史趙博為騎都尉禧博守它乾城它乾城小懂以為不

可固乃譎說龜茲王白霸欲入共保其城白霸許之吏人固諫

白霸不聽懂既入遣將急禧博合軍八九千人龜茲吏人并叛

其王而與温宿姑墨數萬兵反共圍城懂等出戰大破之連兵

數月胡衆敗走乘勝追擊凡斬首萬餘級獲生口數千人駱駝

畜產數萬頭龜茲乃定二年春還至燉煌會衆羗反叛朝廷大
發兵西擊之遂詔謹留為諸軍援謹至張掖日勒羗諸種萬餘
人攻亭候殺略吏人謹進兵擊大破之乘勝追至昭武虜遂敗
走其能脫者十二三及至姑臧羗大豪三百餘人詣謹降並慰
喻遣還故地河西郡復安謹受詔當屯金城聞羗轉寇三輔追
近園陵即引兵赴擊之轉戰武功美陽關縣名在武功縣北謹臨陳被
創不顧連破走之盡還得所掠生口獲馬畜財物甚盛羗遂奔
敗朝廷喜之數璽書勞勉委以西方事令為諸軍節度三年詔
謹行度遠將軍事與中郎將龐雍共擊匈奴莫韃日逐王破之

鄧遵為度遠將軍安帝元初六年秋鮮卑入馬城塞殺長吏遵
發積射士三千人及中將馬續率南單于與遼西右北平兵馬

會出塞追擊鮮卑大破之獲生口及牛羊財物甚衆

馬賢為獲羗校尉永寧元年上郡沈氏種羗五千餘人復寇張

掖賢與戰破之斬首千八百級獲生口千餘人馬牛羊以萬數

餘虜悉降時當煎種大豪饑五等以賢兵在張掖乃乘虛寇金

城賢還軍追之出擊斬首數千級而還燒當燒何種聞賢軍人

率二千餘人復寇張掖殺長吏初飢五同種大豪盧忽忽良等

千餘戶別留允而首施首施猶首鼠也兩端建光元年春賢率兵召

虜忽斬之因放兵擊其種人首虜二千餘人掠馬羊十萬頭忽

良等皆亡出塞璽書封賢安亭侯食邑千戶陽嘉三年鍾羗良

封等寇隴西漢陽詔拜賢為謁者鎮撫校尉馬續遣兵擊良將

斬首千八百級擊馬牛羊五萬餘頭良封親屬並詣賢降賢復

進擊羗且呂且呂等率諸種十餘萬詣涼州刺史降

班勇延光二年以西域長吏將五百人出屯柳中明年正月勇

至樓蘭以鄯善歸附特加三綬而龜茲王白英猶自疑未下勇

開以恩信白英乃率姑墨温宿自縛詣勇降勇因發其兵步騎

萬餘人到車師王前庭擊走匈奴伊蠡王於伊和谷收得前部

五千餘人於是前部始開通還屯田柳中四年秋勇發燉煌張

掖酒六千騎及鄯善疏勒車師前部兵擊後部王軍就軍就名也

大破之首虜八千餘人馬畜五萬餘頭捕得軍就及匈奴持節

使者將至索班沒處斬之以報其耻元初六年燉煌太守曹宗遺張史索班將千人屯伊

吾數月北單于與車師後部攻沒班也傳首京師永建元年更後部故王子加特

奴為王勇又使別校誅斬東且彌王亦更立其種人為王且音子金

及於是車師六國悉平其東勇發諸國兵擊匈奴呼衍王呼衍

王亡走其衆二萬餘人皆降捕得單于後兄勇使加特奴手斬

之以結車師匈奴之隙北單于自將萬餘騎入後部至今且谷

勇司馬曹俊馳救之單于引去俊追斬其貴人骨都侯於是呼

衍王遂徙居枯梧河上是後車師無復虜跡城郭皆安

耿羣為烏桓校尉順帝永建二年遼東鮮卑六千餘騎寇遼東

立菟羣發緣邊儲郡兵及烏桓率衆王出塞擊之斬首數百級

大獲生口牛馬什物鮮卑種衆三萬人詣遼東乞降

張奐桓帝元年為屬國都尉初到職而南匈奴左莫鞬臺耆且

渠伯德等七千餘人寇美稷東羗復舉種應之奐進屯長城收

集兵士遣將王衛招誘東羗據龜茲共擊莫鞬等連戰破之伯

德惶恐將眾降都界以寧延熹元年鮮卑寇邊與率南人于擊之斬首數百級後為度遼將軍數載間幽并清靜九年春徵拜大司農鮮卑聞與去遂招結南匈奴烏桓數道入塞或五六千騎或三四千騎寇掠緣邊九部殺百姓秋鮮卑復率八九千騎入塞誘引東羗與共盟詎於是上郡沈氏安定先零諸種共寇武威張掖緣邊大被其毒朝廷以為憂復拜與為戶匈奴中將以九卿秩督幽并涼二州及度遼烏桓二營

人烏桓校尉也谷

兼察刺史二千石能否賞賜甚厚匈奴烏桓

聞與至因相率還降凡二千餘口與但誅其首亞餘皆慰納之

唯鮮卑出塞去永康五年春東羗先零五六千騎寇關中圍殺

栩掠雲陽夏復攻沒兩營殺千餘人東羗岸尾麾螿等

之音必薛反

脅同種復鈔三輔與遣司馬端董卓並擊大破之斬其酋豪首虜萬人三州清定

段紀明永壽二年以中郎將擊琅邪賊東廓竇公孫與等三萬

人大破斬之獲首萬餘級餘黨降散封紀明為列侯延熹二年

遷護羗校尉會燒當燒何當煎勤姐等八種羗

姐音柒且切

衝隴西

金城塞紀明將兵及湟中義從羗萬二千騎出湟谷吉破之追

討南渡河使軍中田晏夏育募先登懸索相引復戰於羅亭大

破之斬其酋豪以下二千級獲生口萬餘人虜皆奔走明年春

餘羗復與燒何大豪寇張掖攻沒鉅鹿塢殺屬國吏民又招同

種千餘各并兵晨奔紀明軍紀明下馬大戰至日中刀折矢盡

虜亦引退紀明追之且鬪且行晝夜相攻割肉食雪四十餘日

遂至河首積石山出塞二千餘里斬燒何大師首虜五千餘人
又分兵擊石城羗斬首溺死者千六百人燒當種九十餘口詣
紀明絳又雜種羗屯聚白石紀明復進擊首虜三千餘人各勤
姐零五種國允殺略吏民紀明排營救之斬獲數百人五年遷
并州刺史洎那等諸種羗五六千人寇武威張掖酒泉燒人廬
舍六年寇勢轉盛涼州幾亡冬復以紀明為護羗校尉乘譯之
職七年春羗封僂良多洎那等

僂音良遂及又力救反

首豪三

百五十五人率三千落詣紀明降當煎勤姐種猶自屯結冬紀
明將萬餘人擊破之斬其首豪首虜四千餘人八年春復擊勤
姐種斬首四百餘級降者四千餘人夏進軍擊當煎種于湟中
紀明兵退被圍三日用隱士樊志張策潛師夜出鳴鼓還戰大

破之斬首虜數千人紀明遂窮追展轉山谷間自春及秋無日
不戰虜遂饑困敗散北略武威間紀明凡破西羗斬首二萬三
千級獲生口數萬人馬牛八百萬頭降者萬餘落封紀明都鄉
侯邑五百戶永康元年當煎諸種復反合四千餘人欲攻武威
紀明復追擊於蠻鳥大破之殺其渠帥斬首三千餘級西羗於
此弭定建寧元年春紀明將兵萬餘人齎十五日糧從彭陽直
詣高平與先零諸種戰於逢義山虜兵盛紀明衆恐乃令軍中
張鑢利刃長矛三種挾以彊弩列輕騎為左右翼激怒兵將曰
今去家數千里進則事成走必進死弩力共攻明因大呼衆皆
應聲騰赴紀明馳騎於傍突而擊之虜衆大潰斬首八千餘級
獲馬牛羊二十八萬頭夏紀明復追羗橋門

谷門

至走馬水上

尋聞虜在奢延澤

即上延縣郡奢界

乃將輕兵兼行一日一夜

二百餘里晨及賊擊破之餘虜走向落川復相屯結紀明乃分

遣騎司馬田晏將五千人出其東假司馬夏育將二千繞其西

羗分六七千人攻圍晏等與戰羗潰走紀明急進與晏等共追

之於今鮮水上

水名左其州張掖界縣

士卒饑渴乃衆勒推方

奪水

推方謂方頭競進也

虜走紀明遂與相連綴且鬪且引及

於靈武谷

靈武縣名有谷

紀明乃被甲先登士卒無敢後者羗

遂大敗弃兵而走追之三日三夜士皆重繭

繭足下履起刑如繭

既到汪陽餘寇四千落悉散入漢陽三谷間二年詔遣謁者馮

禪說降漢陽散羗紀明以春農百姓布野羗雖暫降而縣官無

廩必當復為盜賊不如乘虛於兵勢必殄滅夏紀明自進營去

羗屯凡亭山四五百里遣田晏夏育將五千人據其山上羗悉

衆攻之厲聲曰田晏夏育在此湟中義從羗悉在何面目今日

欲決死生軍中恐晏等勸激士殊死戰遂大破之羗衆潰東奔

復聚射虎谷分兵守諸谷上下門紀明規一舉滅之不欲復令

散走乃遣千人於西縣結水為柵廣二十步長四十里遮之

西

縣屬天水郡

分遣晏育將七千餘人啣枚夜上西山結營穿塹

去虜一里許又遣司馬張愷等將三千上東山虜乃覺之遂攻

晏等分遮汲水道紀明自率騎步追擊水上羗却走因與愷等

挾東西山縱兵擊破之羗復敗紀明追至谷山下門窮山深谷

之中處處破之斬其渠帥以下萬九千級獲牛馬驃馱羶裘廬

帳什物不可勝數馮禪等所招降四千人分置安定漢陽隴西

三郡于是東江悉平凡百八十戰斬三萬八千六百餘級獲牛馬羊騾駱駝四十二萬七千五百餘頭費用四十四億軍士死者四百餘人更封新豐縣侯邑萬戶

皇甫規延熹四年以中郎將持節監關西兵討叛羌零五等破之斬首八百級先零諸種羗慕規威信相觀降者十餘萬

皇甫嵩靈帝中元年以左中郎將持節與右中郎將朱雋共發五校三河騎士及募精勇四萬人嵩雋各統一軍共討潁川黃巾大破之斬首數萬級封嵩都鄉侯嵩雋乘勝進討汝南陳國黃巾追破才於陽翟擊鼓脫於西華並破之餘賊降散三郡悉平又進擊東郡黃巾已於倉亭生擒卜已斬首七萬餘級是時北中郎將盧植東中郎將董卓討張角並無功而還乃詔嵩雋

進兵討之嵩與張角弟梁戰於廣宗

今具州宇城縣

梁衆精勇

嵩不能尅明日乃閉營休士以觀其變知賊意稍懈乃潛夜勒兵鷄鳴馳赴其戰陳至晡時大破之斬梁獲首三萬級赴河死者五萬許人焚車重三萬餘兩悉虜其婦子擊獲甚衆角先已病死乃剖棺戮屍傳首京師嵩復與鉅鹿太守馮翊郭曲攻角弟寶於下曲陽又斬之首獲十餘萬人築京觀於城南即拜嵩為左軍騎將軍領冀州牧槐里侯百里歌曰天下亂兮市為墟母不保子兮妻失夫賴得皇甫兮復安居

朱雋中平元年以右中郎將持節與左中郎將皇甫嵩討潁川汝南陳國諸賊悉破平之封西鄉侯遷鎮賊中郎南擊南陽黃巾趙引于宛城斬之賊餘師韓忠復據宛雋又擊大破乘勝逐

北數十里斬首萬餘級忠等遂降而南陽太守秦頡積忿忠遂殺之餘衆懷不自安復以孫夏為帥還屯宛中雋急攻之夏走追至西鄂精山又破之

西鄂故城鄧州向城縣南精其南

復斬

萬餘級賊遂解散明年使者持節拜雋右車騎將軍

公孫瓚中平中以遼東屬國長史督烏桓突騎將軍張溫討涼州賊會烏桓反畔與賊張純等攻擊薊中瓚率所領追討純等有功累遷騎都尉降虜校尉初平二年青徐黃巾三十萬衆入

渤海界欲與黑山合瓚率步騎二萬人擊於東光南大破之

東光

余倉州縣斬首三萬餘級賊弃其車重數萬兩奔走渡河潛因半濟薄之賊復大破死者數萬流血丹水收得生口七萬餘人車甲賊物不可勝算威名大震拜奮武將軍封薊侯

魏龐德漢建安中以校尉從馬騰征伐太祖討袁譚於黎陽譚遣郭援高幹等略取河東太祖使鍾繇率關中諸將討之德隨騰子超拒援幹於平陽德為軍絳進攻援幹大破之親斬援首拜中郎將封都亭侯後張白騎叛于弘農德復隨騰征之破白騎於兩穀間後為立義將軍封關亭侯音衛開等以宛叛德將所領與曹仁共攻拔宛斬之

郭淮漢延康元年行征羗護左將軍張郃冠軍將軍楊秩討山賊鄭甘盧水叛胡皆破平之關中乃定民得安業黃初五年為真安定姜太師辟號反討破之

滿寵延康元年以楊武將軍破吳於江陵有功更拜伏波將軍樂進為陷陣都尉從擊呂布於濮陽張超於雍丘橋蕤於苦皆

先登有功封廣昌平侯

文聘黃初元年以討逆將軍假節與夏侯尚圍江陵使聘別屯沔口止右梵自當一隊禦賊有功遷後將軍封新野侯孫權以五萬衆自圍聘于石陽甚急聘堅守不動權住二十餘日乃解去聘追擊破之

田豫為護烏桓校尉山賊高艾衆數千人寇鈔為幽冀害豫誘使鮮卑素利部斬艾傳首京師封豫長樂亭侯加殄夷將軍大和六年帥衆討吳將周賀于成山遂殺賀

夏侯尚黃初三年為征南將軍領荊州刺史時車駕幸宛使尚率諸軍與曹真共圍江夏吳將諸葛瑾與尚軍對江瑾渡入江中渚而分水軍于江中尚夜多持油舡將步騎萬餘人於下涉

潛渡攻瑾諸軍夾江燒其舟船水陸並攻破之

王陵黃初中以兗州刺史與張遼等至廣陵討吳臨江夜大風吳將呂範等船漂至江岸凌與諸將逆擊捕斬首虜獲舟船有功正始初為征東將軍假節鉞都督揚州軍事二年吳大將全琮數萬衆寇芍陂凌率諸軍逆討與賊琚瑋力戰連日賊退走進封南鄉侯

張郃明帝即位初以左將軍南屯荊州與司馬宣王擊吳別將劉阿等追至祁口交戰破之諸葛亮出祁山加郃位特進遣督諸軍拒亮將馬謖依阻南山不下據城郃絕其汲道擊大破之

南安天水安定郡反應亮郃皆破平之

右破隴西名羗唐隄於抱罕加建威將軍

除邈明帝時為護羗校尉屬相諸葛亮出祁山隴右三郡反邈

輒遣參軍及金城太守等擊南安賊破之以討叛羗柯吾有功封都亭侯

毋丘儉青龍中以度遼將軍隨司馬宣王擁數萬討公孫淵定遼東以功進封安邑侯正始中儉以高句驪數侵叛督諸軍步騎萬人出玄菟從諸道討之句驪王宮將步騎二萬人進軍佛流水上大戰梁口

梁音渦

宮連破走儉遂束馬懸車以登九都

屠句驪所都斬獲首虜以千數宮軍將妻子逃竄奔沃沮六年復進師擊之沃沮邑落皆破之斬獲首虜以千級宮奔北沃沮

王昶齊王嘉平二年以征南將軍諸江陵兩岸引竹絙為橋渡水擊吳賊賊奔南岸鑿七道並來攻於是昶使積弩同時俱發

賊大將施績夜遁入江陵城追斬數百級遷征南大將軍

王基嘉平三年以揚烈將軍荊州刺史隨征南王昶擊吳基別襲步協于夷陵協閉門自守基示以攻形而實分兵取雄父邸閣收米三十餘萬斛虜安北將軍譚正納降數千口賜爵關內侯

鄧艾高貴鄉公甘露二年以鎮西將軍都督隴右諸軍事拒蜀將姜維于長城維退還遷征西將軍景元三年又破維於侯和維却保沓中四年秋詔諸軍征蜀大將軍司馬文王皆詣授節度使艾與維相連綴雍州刺史諸葛緒要維令不得歸艾遣天水守王頌等直攻維營隴西太守牽引等邀其前金城太守楊欣等詣甘松維聞鍾會諸軍已入漢中引退還欣等追躡于強

川口大戰維敗走聞雍州已塞道屯橋頭從孔函谷入北道欲
出雍州後諸葛緒聞之卻還三十里維入北道三十餘里聞緒
軍却尋還從橋頭過緒趨截維較一日不及維遂東引還守關
閣冬十月艾自陰平道行無入之地七百餘里鑿山通道造作
橋閣山高谷深至為艱險又糧運將匱頻于危始艾以擅自褻
推轉而下將士皆攀木緣崖魚貫而進先登至江由蜀守馬邈
降蜀衛將軍諸葛瞻自涪還縣竹列陳待艾艾遣子惠唐亭侯
忠等出其右司馬師纂等出其左忠纂戰不利並退還曰賊未
可擊艾怒曰存亡之分在此一舉何不可之有乃收忠纂等將
斬之忠纂馳還更戰大破之斬瞻及尚書張遵等首進軍到維
劉禪遣使奉皇帝璽綬為箋詣艾請降詔以艾為太尉增邑二

萬戶

鍾會陳留王景元四年以鎮西將軍統十萬衆攻蜀兵至劔閣
時鄧艾追姜維到陰平簡選精銳欲從漢德陽入江由左僂道
詣縣竹趣成都與諸葛緒共行緒以奉受節度邀姜維西行非
詔遂進軍前向白水與會合會遣將軍田章等從劔閣西徑出
江由未至百里章先破蜀伏兵三校艾使張先登遂長驅而前
劉禪詣艾降蜀皆平

蜀諸葛亮後主建興三年春以丞相領益州牧率衆征南中諸
郡其秋悉平遂至滇池皆即其渠帥而用之六年冬出散關圍
陳倉魏將曹真拒之亮糧盡而還魏將王雙率騎追亮亮與戰
破之斬雙七年亮遣陳戒攻武都陰平魏雍州刺史郭淮率衆

欲擊戒亮自出至建威淮退遂平二郡

李恢為庾降都督建興三年丞相諸葛亮南征恢與亮聲勢相連南土平定恢軍功居多封漢興亭侯加安漢將軍還南夷復叛殺害守將恢身往撲討鉏盡惡類徙其豪率于成都

張嶷建興五年以都尉將兵討廣漢綿竹山賊張慕等嶷身率左右因斬慕等五十餘級渠賊悉殄尋其餘類旬日清泰其後為牙門將受兵三百人隨馬忠討叛羗至他邑里或迎軍出降或奔竄山谷放兵攻擊軍以克捷十一年南夷劉冒反忠令嶷領諸營往討嶷內招降得二十人悉詣漢中

魏延建興八年以丞相司馬領涼州刺史時諸葛亮使延西入羗中魏後將軍費瑤雍州刺史郭淮與延戰於陽谿延大破淮等遷為前軍征西大將軍假節進封南鄭侯

馬忠建興十一年代張翼為庾降都督討南夷豪帥劉冒斬之平南土遷奮威將軍封博陽亭侯先是建寧郡赫太守王昂縛太守張裔於吳故都督常駐平夷縣至忠乃夷治味縣處民夷之間又越雋郡亦久朱土地忠率將太守張嶷開復舊郡由此就加安南將軍封彭鄉亭侯

王平建興十二年以討虜將軍領丞相諸葛亮參軍統五部事亮卒于武功軍退還征西大將軍魏延作亂一戰而敗之

姜維吉熹十年以衛將軍率衆討汶山平康夷定之十七年加都督中外諸軍事復出隴西守狄道長李簡舉城降進圍襄武與魏將徐質交鋒斬首破敵魏軍大敗退維乘勝多所降下拔

河間狄道臨洮三縣十八年復與車騎將軍夏侯霸等俱出狄道大破魏雍州刺史王經於洮西經衆死者數萬人

霍弋景曜六年為安南將軍于時蜀并于魏弋遂降拜南中都督委以本任後遣將兵救援呂興平交趾日南九真三郡功封列侯

吳朱然為臨川太守授兵二千人會山賊盛起然平討旬月而定漢建安二十四年從大帝討關羽別與潘璋到臨沮禽羽遷

昭武將軍黃武元年劉備攻宜都然別攻破備前鋒斷其後道

備遂破走赤烏九年以車騎將軍右護軍復征魏祖中

祖音祖在上黃

界去襄陽一里五十里

魏將李興等聞然深入率步騎六年斷然後道然

夜出逆之軍以勝返

呂據黃龍初以安軍中郎將數討山賊諸深惡劇地所擊皆破隨太常潘濬討五谿復有功朱然攻樊據與朱異破城外圍還拜偏將軍右將軍魏出東興據赴討有功孫峻殺諸葛恪遷為驃騎將軍平西宮事五鳳二年假節與峻等襲壽春還遇魏將曹珍破之于高庭

潘濬為輔軍中郎將為荊州治中時武陵部從事樊佃誘導諸夷圖以武陵屬蜀濬將兵五千斬平之黃龍中以太常假節督諸軍討五谿蠻夷斬首獲生蓋以萬數自是郡蠻衰弱一方寧靜

呂岱嘉禾三年以鎮南將軍屯蒲圻四年廬陵賊李桓路合會稽東治賊隨春南海賊羅勵等一時並起岱督劉纂唐次等分

部討擊春即時首降桓勵等皆見斬獲傳首詣都後領荊州督
蒲圻頃之廖式作亂攻圍城邑零陵蒼梧鬱林諸郡搔擾岱自
表輒行星夜兼路遣諸將唐咨等駱驛相擊攻討一年破之斬
式及諸偽署臨太守費揚等并其支黨郡縣悉平
吾粲嘉禾五年以中郎將與將軍唐咨討廬陵賊李桓羅勵等
平之粲獲李桓咨獲羅勵等

陸遜嘉禾五年以上大將軍與諸葛瑾攻魏襄陽斬首獲生凡
千餘人

陸凱赤烏中為儋耳太守討朱崖斬獲有功遷建武校尉五鳳
二年討山賊陳忠於零陵斬忠克捷拜巴丘督偏將軍

朱異赤烏四年以騎都尉隨朱然攻魏樊城建計破其外圍還
拜偏將軍魏廬江太守文欽營住六安多設屯砦置諸道要以
招誘亡叛為邊寇害異乃身率二千人掩破欽七屯斬首數百
遷揚武將軍建興元年遷鎮南將軍是歲魏遣胡遵諸葛誕等
出東興異督水軍攻浮梁壞之魏軍大破

諸葛恪廢帝建興元年以太傅會衆于東興更作大隄左右結
山峽築兩城魏以吳軍入其疆上恥於受侮命大將胡遵諸葛
誕等率衆七萬欲攻圍兩塢圍壞隄遏恪興軍四方晨夜赴救
遣將軍留贊呂據唐咨丁奉為前部鼓譟亂斫魏軍驚擾死者
萬數獲車乘牛馬驢騾各數千資噐山積振旅而歸加荆揚州
牧督中外諸軍事

丁奉為冠軍將軍建興元年魏遣諸葛誕胡遵等攻東興諸葛

恪率軍拒之奉與將軍唐咨呂據劉贊等俱從山西上奉縱兵
斫之大破敵前屯會據等至魏軍遂潰遷滅寇將軍魏將文欽
來降以為虎威將軍從孫峻至壽春迎之與敵追軍戰與高亭
奉跨馬持矛突入其陣中斬首數百獲其軍器進封安豐侯太
平十二年魏大將軍諸葛誕據壽春來降魏人圍之遣朱異唐
咨等往救復使奉黎裴鮮圍奉為先登屯於黎漿力戰有功拜
左將軍

陸抗建興二年拜奮威將軍太平二年魏將諸葛誕舉壽春降
拜抗為柴桑督赴壽春破魏牙門將偏將軍遷北將軍
虞汜為散騎中常侍永安初以討扶嚴功拜交州刺史冠軍將
軍

鍾離牧永安六年以平魏將軍領武陵太守時蜀并于魏武陵
五谿夷與蜀接界魏遣漢髮縣長郭純試守武陵太守率涪陵
民入蜀遷陵界屯于赤沙誘致諸夷邑軍或起應純又進攻酉
一陽縣郡中震惧牧即率所領晨夜進道緣山險行二千里從
塞上斬惡民懷異心者魁帥百餘人及其支黨凡千餘級純等
散五谿平遷公安督楊武將軍封都鄉侯

薛琚後主建衡元年以威南將軍與監軍虞汜蒼梧太守陶璜
等擊交趾三年汜璜破交趾禽殺晉所置守將九真日南還蜀

侯馬隆武帝泰始中為司徒督涼州為虜所汲乃以隆為武威太守討之隆西渡溫水虜樹機能等以衆萬計或乘險以遏隆前或設伏以截隆後依八陣圖地狹偏箱車地廣則鹿角車營路狹則為木屋於車上且戰前弓矢所及應弦而倒奇謀間發出敵不意或夾道累磁石賊負鐵鎧行不得前隆亦悉破犀甲無所留礙賊咸以為神轉戰千里殺傷以千數隆到武威虜大人卒跋韓且乃能等率萬餘洛歸降前後誅及降附者以萬計又率善戎沒骨能等與樹機能大戰斬之涼州遂平王渾泰始中以安東將軍都督揚州諸軍事鎮壽春吳人大佃皖城圖為邊害渾遣揚州刺史應綽督淮南諸軍攻破之并破諸別屯焚其積穀百八十餘萬斛稻苗四千餘頃船六百餘艘渾遂陳兵

東疆視其地形險易歷觀敵城察攻取之勢乃大舉伐吳渾率師出橫江參軍陳慎都尉張喬尋陽賴鄉又擊吳牙門將孔忠皆破之獲吳將周興等五人又遣殄吳獲軍李純據高望城討吳將俞恭破之多所斬獲吳厲武將軍代平虜將軍朱明懷懼而來降吳丞相張悌大將軍孫震等率指城陽渾遣司馬孫疇揚州刺史周浚擊破之臨陣斬二將及首虜七千八百級吳人大震吳司徒何植建威將軍孫晏送印節詣渾降說而王濬破石頭降孫皓明日渾始濟江登建鄴宮以功增封八千戶進爵為公軍留壽春南徐置兵難宜諸太守皆以功封侯陳騫泰始末以大將軍攻拔吳枳里城破徐中屯戍獲吳立信校尉莊祐

王濬大康元年正月以龍驤將軍率巴東監軍廣武將軍唐彬
攻吳丹陽剋之擒其丹陽監盛紀二月庚申剋吳西陵獲真鎮
南將軍留憲征南將軍成據宜都太守虞忠壬戌剋荆門夷道
二城獲監軍陸晏乙丑剋樂都乙亥詔進濬為平東將軍假節
都督益梁諸軍事濬自發巴蜀兵不血刃攻無堅城夏口武昌
無相支抗于是順流鼓棹征造三山孫皓遣游繫將軍張象率
舟軍萬人禦濬象望旗而降皓用光祿勳薛瑩中書令胡冲討
送降文于濬壬寅濬入石頭收其圖籍領州四郡四十三縣
三百一十三戶九十二萬三千吏三萬二千兵二十三萬男女
口二百三十萬米穀二百八十萬斛舟船五千餘艘後宮

杜預大康元年以鎮南大將軍都督荊州諸軍事陳兵于江陵
遣參軍樊顯尹林鄧封襄陽太守周奇等率衆循江而上以節
節度旬日之間累剋城邑又遣牙門管定周百伍巢等率奇兵
八百汎舟夜渡以襲樂鄉虜吳都督孫歆而還于是進逼江陵
吳督將伍延偽請降而列兵登俾預攻剋之既平上流于是沆
湘以南至于交廣吳之州郡皆望風歸命奉送印綬預伏節稱
詔而撫之凡所斬及生獲吳都督監軍十四牙門郡守百二十
餘人孫皓既平振旅凱入以功封當陽侯

周浚大康元年以折衝將軍射陽侯領揚州刺史隨王渾伐吳
攻破江西屯戍與孫皓中軍大戰斬偽丞相張悌等首級數千
俘載萬計進軍屯於橫江孫皓既降于王濬浚乃濟江與王渾
共行吳城壘綏撫新附以功進封武成侯食邑六千戶明年移

鎮秣陵時吳初平屢有逃亡者頻討平之

孟觀惠帝時為積弩將軍氏即齊萬年反于閩中衆數十萬諸將覆敗相繼以觀沈毅有文武才用乃起觀討之觀所領宿衛皆趨捷勇悍并統閩中士卒身當矢石大戰十數皆破之生擒萬年威懼氏羗轉東羗校尉

李矩為征西將軍梁王彤牙門將伐氏帥齊萬年有殊功封東明亭侯及洛陽不守太尉荀藩奔陽城衛將軍華會奔成臯時大飢賊師侯都等每略人而食之藩會部曲多為所啖矩討都等滅之乃營護藩會各為立屋宇輸穀以給之及藩承制建行臺假矩榮陽太守矩招懷離散遠近多附之石勒親卒大衆襲矩矩遣老弱入山令所在散牛馬設伏以待之賊爭取牛馬伏

發齊呼聲動山谷遂大破之斬獲甚衆勒乃退

索綝為鷹揚將軍南陽王模從事中郎劉聰侵掠閩東以綝為奮威將軍以禦之斬將呂逸又破聰黨劉豐廷新平太守愍帝立綝領太尉擊破劉曜呼曰遂王呼延莫劉曜入閩芟麥苗綝又擊之自長安伐劉聰聰將趙染伏其累捷有自矜之色帥請騎數百與綝戰大破之染單馬而走

魏克為尚書左僕射領軍持節西戎校尉時劉曜放凱趙染數萬衆逼長安允擊破之擒凱於陣

荀曜以北軍中侯行兗州刺史汲桑之破鄴也東海王越出次官渡以討之命晞為前鋒桑素憚之於城外為柵以自守晞將至頓軍休士先遣單騎示以禍福桑衆大震弃柵以守宵遁嬰

城固守晞陷其九壘遂定鄴而還西討呂卽等威之后高密王
泰討青州賊劉根破汲桑故將公師藩賊石勒於河北威名甚
盛時入擬之韓白進位撫軍將軍假節都督青兗諸軍事封東
平郡侯邑萬戶

劉引太安中以南蠻校尉荊州刺史率前將軍趙驥等討賊帥
張昌自方城至新野所向皆平及新野王歆之敗也以引代為
鎮南將軍都督荊州諸軍事引遣長史陶侃為太尉護參軍前
常為義軍督護牙門將皮初為都帥進據襄陽張昌并軍圍宛
敗趙驥軍引退屯梁州初等累戰破昌前后斬首數萬級及到
宛昌西惧而逃其衆悉降荆王平引遣軍討昌于下雋山斬之
悉降其衆進拜侍中鎮南大將軍

周玘太安中右將軍陳敏反于揚州以玘為安豐太守加四品
將軍玘稱疾不行密遣使告鎮東將軍劉準令發兵臨江已為
內應準遣督護衡彥率衆而東時敏弟昶為廣武將軍歷陽內
史以吳興錢廣為司馬玘密諷廣殺昶玘與顧榮甘卓等以兵
攻敏敏衆奔潰卓馬北走追獲之牙江乘界斬之于建康

張光為順陽太守陵江將軍討陳敏之亂時江夏太守陶侃與
敏大將錢端相拒于長岷將戰襄陽太守皮初為步軍使光設
伏以待之武陵太守苗光為水軍藏舟艦于沔水皮初等與賊
交戰光發伏兵應之水陸同會賊衆大敗

王陵為安北將軍懷帝永嘉三年九月石勒寇常山浚使鮮卑
騎救大破勒于飛龍山

應詹啓帝時為南平太守假督南天門武陵三郡軍事天門武
陵谿蠻並反詹討降之鎮南將軍山簡復假詹督五郡軍事會
蜀賊杜疇作亂來攻郡詹力戰摧之尋與陶侃破杜弢于長沙
明帝時王敦作逆帝以詹為護軍將軍假節都督朱崖橋南賊
從行格渡江詹與其威將軍趙裔等擊敗之賊帥杜發梟首數
千級賊平封觀陽縣侯食邑千六百戶

苻卓元帝初度江授卓前鋒都督揚威將軍后討周馥征杜弢
屢經苦戰多所擒獲以前後功進爵鄉侯

周訪為揚烈將軍領兵一千二百屯尋陽鄂陵與苻卓趙誘討
華軼軼所統武昌太守馮逸來攻訪訪率衆擊破之逸遁保柴
桑訪乘勝進討軼遣其黨王約傳禮等萬餘人助逸大戰於溢

口約等又敗訪與苻卓等會于彭澤與軼水軍將朱矩等戰又
敗之軼將周廣燒城以應訪軼衆潰訪執軼斬之遂平江州以
為振武將軍尋陽太守又與諸軍共征杜弢弢歸湘州訪復以
舟師造湘城運達富池而弢遣杜弘出海昏時湓口騷動訪步
上柴桑賊渡與人戰斬首數百賊退之保陵訪追擊敗之賊嬰
城自守尋而軍糧為賊所掠住巴兵糧廩既至復圍弘於廬陵
弘大擲財物于城外軍人競拾之弘因陣亂突圍而出訪率軍
追之獲鞍馬鎧杖不可勝數弘入南康太守將率兵逆擊又破
之奔于臨賀進龍驤將軍武關賊率曹曾聚兵萬人大為人害
威震江沔帝命訪擊之曾攻訪左右甄皆敗訪選精銳八百人
以進賊未至三十步親鳴鼓將士皆騰躍奔赴曾遂大潰殺千

田所不罪
餘人曾遁走訪部將蘇溫收曾赴軍送王敦斬之

祖約為平西將軍豫州刺史及王敦舉兵約歸衛京都率還次壽陽遂敦所署淮南太守任台以功封五等侯進號鎮西將軍蘇峻為奮威將軍臨淮內史及王敦舉兵度竹格渚拔柵將軍峻率其將韓見于南塘橫截大破之又隨庾亮追沈充進使將節冠軍將軍歷陽內史加散騎常侍封邵陵公

溫嶠為中壘將軍王敦逼京師嶠自率眾與賊夾水戰擊王含敗之復督劉遐追錢鳳於江寧事平封建寧縣開國公

宋伺為綏夷都尉陳敏作亂陶侃鎮江夏以伺能水戰曉作舟艦乃遣作大艦署為左甄據江口摧破敏前鋒敏兄恢稱荊州刺史在武昌侃率伺及諸軍進討破之敏恢既平伺以功封亭侯領騎督隨陶侃討杜弢有殊功加威遠將軍又以蜀賊襲高之功加廣威將軍

毛寶為南中郎將督隨義陽二郡鎮上明隨庾亮討郭默默平與亮司馬王愨期等救桓宣于章山擊賊將石遇破之

鄧嶷為西陽太守及蘇俊反平南將軍溫嶠遣嶷與督護王愨期鄱陽太守紀陸等率舟軍赴難峻平還郡郭默之叛大司馬陶侃使嶷率西陽之眾討之默平遷督交廣二州軍事建武將軍領平侯越中郎將廣州刺史假節錄前後勳封宜城縣伯咸寧三年嶷遣軍伐夜郎破之

劉遐為龍驤將軍下邳內史初沛人周堅一名撫與同郡周默因天下亂各為塢主以寇抄為事默降祖逖撫怒遂襲殺默以

彭城叛石勒遣騎援之詔遐領彭城內史與徐州刺史蔡豹大
山太守徐 討撫戰于寒山撫敗走

荀羨徐州刺史監青州軍事慕容雋攻段蘭於青州詔使羨救
之雋將王騰趙盤寇琅邪鄆城北境騷動羨討之擒騰盤迸走
軍次琅邪而蘭已沒羨退還下邳留將軍諸葛攸高平太守劉
莊等三千人守琅邪參軍戴遂蕭鐸二千人守泰山是時慕容
蘭以數萬衆屯汴城甚為邊害羨自光水引汶通渠至于東阿
以征之臨陣斬蘭

陶泓為龍驤將軍元帝使侃擊杜弼令振威將軍周訪廣武將
軍趙誘受侃節度侃令二將軍前鋒兄子輿為左甄擊賊破之
侃後為平南將軍時交州刺史王諒為賊梁侃所陷侃遣將高
寶追擊平之錄前後功封次子夏為都亭侯

王舒為假節都督行揚州刺史討蘇峻時吳國內史庾冰棄郡
奔舒舒移告屬郡以吳王師虞駿為軍司御史中丞謝藻行龍
驤將軍監前鋒征討軍事率衆一萬與庾冰俱渡浙江前義興
太守顧衆護軍將軍顧颺等皆起義軍以應舒舒假衆楊威將
軍督護吳中軍事颺監晉陵軍事于御亭築壘峻聞舒等兵起
乃赦庾亮諸弟以悅東軍舒率衆次郡之西江為水藻後繼冰
颺等遣前鋒追據無錫遇賊將張健等數千人交戰大敗奔還
御亭復自相驚擾冰颺等並退于錢塘藻守嘉興賊遂入吳燒
府舍掠諸縣所在塗地舒以輕進奔敗斬二軍主者免冰颺督
護吳晉陵軍屯兵章埭吳興太守虞潭率所領討健屯烏苞亭

並不敢進時慕兩大水賊管商乘船旁出襲潭及衆潭等奔走
潭還吳興衆退守錢塘舒更遣將軍陳孺率精銳千人增戍海
浦所在築壘或勸舒宜還郡使謝藻守西陵扶海立柵舒不聽
留藻錢塘使衆颺守柴壁于是賊轉攻吳興潭諸軍復退賊復
掠東遷餘抗武康諸縣舒遣子允之行揚烈將軍與將軍徐孫
陳孺及揚烈司馬朱燾以精銳三千輕邀賊于武康出其不意
遂破之斬首數百級賊悉舟步走允之收其器械進兵助潭時
韓晃既破宣城轉入故障長城允之朱燾何準等擊之戰於干
湖潭以強弓射之晃等退走斬首千級餘納降二千人潭由是
得保郡是時臨海新安諸山縣並反應賊舒分兵悉討平之會
陶侃遣使郭喻至京都潭等並以屢戰失利移書盟府自貶去
節侃遣使郭喻不聽及侃立行臺上舒監浙江東五郡軍事允
之督護吳郡義興晉陵三郡征討軍事既而晃等南走允之追
躡於長塘湖復大破之賊平以功封彭澤縣侯
庾冰為吳國內史蘇峻作逆遣兵攻冰冰不能禦便棄郡奔會
稽會稽內史王舒以冰行奮武將軍距峻別率張健於中健黨
甚衆諸將莫敢先進冰率衆擊健走之於是乘勝西進赴于京
都又遣司馬滕含攻賊石頭城拔之冰勲為多
庾懌為左衛將軍以討蘇峻功封廣饒男
顧衆為揚威將軍蘇峻反王師敗績衆還吳潛圖義舉時吳國
內史庾冰奔于會稽峻以蔡謨代之前陵江將軍張哲為峻收
兵于吳衆遣人喻慙慙從之衆乃遣郎中徐機告謨曰衆已潛

合家兵待時而奮又與張慙剋期效節謨乃檄衆為本國督護揚威將軍仍舊衆從弟護軍參軍颺為威遠將軍前鋒督護吳中人士同時嚮應峻遣將引徽領甲卒五百鼓行而前衆與颺慙要擊徽戰于高祚大破之收其軍實謨以冰當還任故便去郡衆遣颺率諸軍屯無錫冰至鎮御亭恐賊從海虞道入衆自往備之而賊率張健馬流攻無錫颺等大敗庾冰亦夫守建等遂據吳城衆自海虞由屢縣東倉與賊別率交戰破之義軍又集烏苞會稽內史王舒吳興內史虞潭並檄衆為五郡護統諸義軍討健潭遣將姚休為衆前鋒與賊戰沒衆還守紫壁時賊黨方銳義軍沮退人咸勸衆過浙江衆曰不然今保固紫壁可得金錢塘以南五縣若越他境便為寓軍控引無所非長計也臨平人范明亦謂衆曰此地險要可以制寇不可委也衆乃叛明為參軍明率宗黨五百人合諸軍凡四千人復進討健健退于曲阿留錢引為吳令軍次路丘即斬引首衆進住吳城遣督護朱祈等九軍與蘭陵太守李閑共守慶亭健遣馬流陶陽等往攻之閑與祈等逆擊大破之斬首二千餘級峻平論功衆以承檄奮義推功于謨謨以衆唱謀非已之力俱表相讓論者羨之封鄱縣伯

周撫為征虜將軍督寧州諸軍事穆帝永和初桓溫征蜀進撫督梁州之漢中巴西梓潼陰平四郡軍事鎮彭模撫擊破蜀餘寇隗文鄧定等等斬偽尚書僕射王誓平南將軍王閏以功遷平西將軍隗文鄧定等復反立范賢子賁為帝初賢為李雄國

師以左道惑百姓人多事之賁遂有衆一萬撫與龍驤將軍朱熹擊破斬之以功進爵建城縣公

桓溫為安國將軍永和二年代蜀蜀李勢衆大潰溫乘勝直進焚其小城勢遂夜遁九十里至晉壽葭萌城其將鄧嵩咎堅勸勢降乃面縛輿觀請命溫解縛焚襯送與京師溫停蜀三旬舉賢旌善偽尚書僕射王誓中書監王瑜鎮東將軍鄧定散騎常侍常璩等皆蜀之良將並以為參軍百姓咸悅軍未旋而王誓鄧定隗文等反溫復討平之振旅還江陵十二年姚襄入于許昌溫以太尉為大都督討之戰于伊水大敗之襄走平陽從其餘衆三千餘家於江漢之間執降賊周城而歸大和四年帥衆伐慕容暉暉將慕容垂帥衆距溫溫擊敗之九月戊寅溫裨將

鄧遐宋序遇暉將傳未波於林渚又大破之

溫弟豁為建威將軍督沔中七郡軍事擊慕容屈塵破之進號右將軍監荊揚州雍州軍事領護南蠻校尉時梁州刺史司馬勲以梁益叛豁使其參軍桓熊討之而南陽督護趙弘趙憶等逐太守桓淡據宛城以叛豁與竟陵太守羅崇討破之又攻偽南中郎將趙盤於宛盤退走豁追至魯陵護之送于京置戍而還豁弟冲為鷹揚將軍鎮鑿護軍西揚太守從其兄溫征伐有功遷都督荊州之南陽襄陽新野義陽順陽雍州之京兆揚州之義城七郡軍事寧朔將軍鎮襄陽又從溫破姚襄及虜周城進爵豐城公溫之破姚襄也獲襄將張駿揚凝等徙于尋陽冲在江陵未及之職而駿率其徒五百人殺江州督護趙毗掠武

昌府庫將妻子北叛冲遣將計獲之遽還所鎮谿卒冲領護南蠻校尉荊州刺史符堅遣其將符融寇樊鄧石越寇魯陽姚萇寇南陽韋鍾寇魏興冲率前軍劉波及兄子振武將軍石民寇軍將軍石虔等伐之拔堅筑陽攻武當走堅兗州刺史張宗又使石虔伐堅襄陽太守閻震擒之及大小帥二十九人送于京師堅使其將郝貴守襄陽冲使揚威將軍朱綽討之遂焚燒沔北稻田拔六百餘戶而還又遣上庸太守郭寶伐堅魏興太守褚垣上庸太守段方並降之新城太守麴常遁走三郡皆平谿子石虎為寧遠將軍領南頓太守帥諸將攻袁真于壽陽寇其南城又擊符堅將王鑿于石橋獲馬五百匹後為冠軍將軍領南平太守會符堅荊州刺史梁成襄陽太守閻震率衆入寇竟陵石虎與弟石民距之賊阻激水屯管城石虎設計夜渡水既濟賊始覺力戰破之進寇管城擒震斬首七千級俘獲萬人馬數百匹牛羊千頭具裝鎧三百領成以輕騎走保襄陽石虔復領河北太守進據樊城逐堅兗州刺史張宗納降二千家而隨還

石虔弟石民為衛將軍謝安參軍叔父冲上疏版石民振武將軍戍夏口與兄石虔攻符堅荊州刺史梁成等於竟陵明年又與隨郡太守夏侯澄之破符堅將慕容垂姜成等於障口復領譙國內史梁郡太守冲薨詔以石民監州軍事西中郎將荊州刺史石民遣將軍晏謙伐弘農賊東中郎將慕容夔降之始置湖陝二戍獲關中檐橫伎以充太樂時符堅子丕僭號於河北

謀襲洛陽石民遣將軍馮該討之臨陣斬丕及其左僕射王孚
吏部尚書荀操等傳首京都時乞活黃淮自稱并州刺史與翟
遼共攻長社衆數千人石民復遣南平太守郭銓松滋太守王
遐之擊淮斬之遼走河北以前後功進左將軍石民弟石康為
振武將軍荊州刺史以討庾有功封武陵王

朱序為鷹揚將軍江夏相興寧末梁州刺史司馬勲反桓溫表
序征討都護往討之以功拜征虜將軍封襄平子

桓宣為南中郎將江夏相石勒荊州刺史郭敬戍襄陽陶侃使
其子平西參軍斌與宣俱攻樊城拔之竟陵太守李陽又破新
野敬懼遁走宣與陽遂平襄陽侃使宣鎮之後庾亮為荊州將
謀北伐以宣為都督沔北前鋒征討軍事北平將軍司州刺史
假節鎮襄陽石季龍使騎七千渡沔攻之亮遣司馬王愨期輔
國將軍毛寶救宣賊三面為地窟攻城宣募精勇出其不意殺
傷數百人多獲鎧馬賊解圍退走

桓伊為建威將軍督豫州之十二郡揚州之江西五郡軍事與
謝玄共破苻堅別將主鑿張蚝等以功封宣城縣子又進都督
豫州諸軍事西中郎將豫州刺史及苻堅南寇伊與冠軍將軍
謝玄輔國將軍謝琰俱破堅於淝水以功封永脩縣侯進號為
右將軍

謝尚為建威將軍鎮壽春時苻健將揚平戍許昌尚遣兵襲破
之謝安尚從弟也為侍中都督揚豫徐兗貴州五州幽州之燕
國儲軍事假節時苻堅盛疆場多虞諸將敗退相繼安遣弟石

及兄子玄等應機征討所在尅據拜衛將軍開府儀同三司封
建昌縣公堅後率衆弭百万次于淮淝京師震恐加安征討大
都督指授將帥各當其任玄等既破堅安以總統功進拜太保
安子琰為侍中符堅之役安以琰有軍國才用出為輔國將軍
以精卒八千與從兄玄俱陷陣堅以勲封望蔡公王恭舉兵假
琰節都督前鋒軍事恭平遷將軍徐州刺史假節孫恩作亂加
督吳興義興二郡軍事恭平遷衛將軍討恩至義興斬賊許允
之迎太守魏鄙還郡進討吳興賊丘尪破之

謝玄安兄子也為南郡相監北征討軍事于時符堅疆盛邊境
數被侵寇玄以建武將軍兗州刺史領廣陵相監江北諸軍事
符堅追軍圍襄陽車騎將軍桓冲禦之詔玄發三州人丁遣彭

城內使何謙游軍淮泗以為應援豎將彭超進軍南侵句難毛
當自襄陽會超圍幽州刺史田洛於三河有衆六萬詔征虜將
軍謝石率水軍次徐中右衛將軍毛安之游擊將軍河間王曇
之淮南太守陽廣宣城內使丘準次堂邑既而盱眙城陷高密
內使毛藻沒安之等軍人相驚遂各散退朝廷震動玄於是自
廣陵西討難等何謙解田洛圍進據白馬與賊大戰破之斬其
偽將都督顏因復進之又破之斬其偽將邵保超難引退玄率
何謙戴遂田洛追之戰于君川復大破之參軍劉牢之攻破浮
航及白船督護諸葛侃單父令李都又破其運艦難等相率北
走僅以身免於是罷彭城下邳二戍詔遣殿中將軍慰勞進弭
冠軍加領徐州刺史還於廣陵以功封東興縣侯及符堅自率

兵次于項城衆號百萬而涼州之師始達成陽蜀漢順流幽并繼至先遣符融慕容暉張畦符等至潁口梁成王先等屯洛澗詔以玄為前鋒都督徐兗青三州楊州之晉陵幽州之燕國諸軍事與叔父征虜將軍石從弟大國將軍琰中郎將桓伊龍驤將軍桓玄建威將軍戴熙揚武將軍陶隱等拒之衆凡八萬先遣廣陵相劉牢之五千人直指洛澗即斬梁城及成弟雲步騎奔潰爭赴淮水牢之從兵追之生擒堅偽將梁他王顯梁弟慕容屈氏等收其軍實堅進屯壽陽列陣臨淮水玄軍不得渡玄使謂符融曰君遠涉吾境而臨水為陣是不欲速戰諸軍稍却令將士得周旋僕與君緩轡而觀之不亦樂乎堅衆皆曰宜阻淝水莫令得上我衆彼寡勢必萬全堅曰但却軍令得過而我以大騎數十萬向水逼而殺之融亦以為然遂麾使却陣衆因亂不能止於是玄與琰伊等以精銳八千涉肥水石軍距張蚝小退玄琰乃進決戰肥水南堅中流矢臨陣斬融堅衆奔潰自相蹈藉投水死者不可勝計肥水為之不流餘衆棄甲宵遁間風聲鶴唳皆以為王師已至草行露宿重以飢凍死者十七八獲堅乘輿雲母車儀服器械軍資珍寶山積牛馬驢騾十萬餘玄已破符堅復率衆次于彭城遣參軍劉襲攻堅兗州刺史張崇於鄆城走之使劉牢之守甄城兗州既平遣淮陵太守高素以三千人何廣固降堅青州刺史符郎又進伐冀州遣龍驤將軍劉牢之濟北太守丁正據碭碭濟陽太守郭滿據滑臺奮武將軍顏雄渡河立營堅子丕遣將桑據屯黎陽玄命劉襲夜

襲據走之丕遑遽欲降玄許之丕告飢玄饋丕米二千斛又遣
晉太守滕恬之渡河守黎陽三魏皆降以充之青司豫平加玄
都督徐兗青司冀幽并七州軍事玄上疏以方平河北幽冀宜
須總督司州懸遠應統豫州以勲封康樂縣復遣遠將軍吞寅
伐申凱於魏郡破之

謝石為尚書僕射征句難以勲封興平縣伯淮肥之役詔石解
僕射以將軍假節征討大都督與兄子玄琰破符堅堅之敗也
雖功始劉牢之而成于玄琰然石時實為都督焉遷中軍將軍
尚書令

劉牢之為謝玄前鋒符堅將句難南侵玄率何謙等距之牢之
破難輜重於盱眙獲其運船遷鷹揚將軍廣陵相時車騎將軍
桓冲擊襄陽宣城內使胡彬率衆向壽陽以為冲聲援牢之領
卒三千為彬後繼淮肥之役符堅遣其弟融及驍將張蚝攻壽
陽玄使彬與牢之距之師次硤石不敢進堅將梁成又以二萬
人屯洛澗玄遣牢之以精卒五千距之去賊十里成阻澗列陣
牢之率參軍劉龔諸葛求等直進渡水臨陣斬成及其弟雲又
分斷其歸津賊步騎奔潰爭赴淮水殺獲萬人收其器械堅尋
亦敗歸長安餘黨所在屯結牢之進平譙城使戴寶戍之遷龍
驤將軍彭城内史以功詔賜爵武岡縣男復守淮陰後進戍彭
城領太守祆賊劉黎僭尊踞於皇丘牢之討滅之符堅將張遇
遣兵擊破金鄉圍太山守羊邁牢之遣參軍向欽之擊走之會
慕容垂叛將翟釗救遇牢之引還牢之進平太山追釗於鄆城

劉走河北用獲張遇以歸之牢之鎮京口孫恩攻臨會稽牢之遣將桓寶率師救三吳復遣子敬宣為寶後援北至曲阿吳郡內史桓謙已棄郡走牢之乃率衆東討拜表輒行至吳與衛將軍謝琰擊賊屢勝殺傷甚衆徑臨浙江進拜前將軍都督吳郡諸將事時謝琰屯吳杜遣司馬高素助牢之牢之率衆軍濟浙江恩懼逃于海牢之還鎮恩復入會稽詔謝琰牢之進號鎮北軍都督僉事會稽五郡率衆東征屯上虞分軍戍諸縣恩復攻破吳國殺內史袁山松牢之使叅軍劉裕討之恩入海項之恩浮海鹽赴難牢之率大衆而還裕兵不滿千人與賊戰破之恩聞牢之已還京口乃走郁州又為敬宣劉裕等所破及恩死牢之威名轉振

楊佺期少軍仕府咸康中領衆屯城固符堅將潘猛距守康回壘佺期擊走之其衆悉降拜廣威將軍河南太守戍洛陽符堅將竇衝率衆攻平陳太守張元熙於皇天塢佺期擊走之佺期自湖城入潼關累戰皆捷斬獲千計降九百餘家歸於洛陽進弭龍驤將軍

虞丘進少時隨謝玄討苻堅有功封關內侯中從劉裕征孫恩戍句章城被圍數十日無日不戰身被數瘡至餘姚阿浦破賊張驃追至海鹽故治及婁縣於滿濤口與孫恩水戰又被重瘡追恩至壽州又至石廩頭還海鹽大柱頰戰有功

劉毅為桓弘中兵叅軍屬桓玄篡位毅與劉裕何無忌魏詠之等起義兵討玄裕率毅等至竹里玄使其將皇甫敷吳甫之北

距義軍遇之於江乘臨陣斬甫之進至羅落橋又斬敷首玄大
懼使桓謙何澹之屯覆舟山毅等軍至蔣山裕使羸弱登山多
張旗幟玄不之測益以危懼謙等士卒多北府人素懼伏裕莫
敢出闔裕與毅等分為數隊進突謙陣皆殊死戰無不一當百
時東北風急義軍放火塵漲張天鼓譟之音震駭京邑謙等諸
軍一時奔敗玄既西走裕以毅為冠軍將軍青州刺史與何無
忌劉道規躡玄毅與道規及下邳太守孟懷王等追及玄戰于
崢嶸州毅乘風縱火盡銳爭先玄衆大潰燒輜重夜走玄將郗
銓劉雅等襲陷尋陽毅遣武威將軍劉懷肅討平之毅復與劉
道規追桓玄至尋陽桓亮自弼江州刺史毅遣劉敬宣擊走之
毅軍次夏口桓振黨馮該戍大岸孟山圖據魯城桓山客守偃
月壘衆合萬人連艦二岸水陸相援毅督衆軍進討未至夏口
遇風飄沒千餘人毅與劉懷肅索邈等攻魯城道規攻偃月壘
何無忌與檀祗列艦於中流以防越逸毅躬貫甲冑陵城半日
而二壘俱潰生擒山客而馮該遁走毅進平巴陵南陽太守魯
宗之起義襲陽破桓蔚毅等諸軍次江陵之馬頭桓振擁乘輿
出營江津宗之又破偽將溫楷振自擊宗之毅因率無忌道規
等諸軍破馮該於豫章口推鋒而進遂入江陵振聞城陷與謙
北走乘輿反正毅執玄黨卞範之羊僧壽夏侯崇之桓道恭等
皆斬之桓振復與苻宏自鄖城襲陷江陵與劉懷肅相持毅遣
部將擊振殺之并斬偽輔國將軍桓珍毅又攻拔遷陵斬玄太
守劉叔祖於臨璋其餘擁衆假號以十數皆討平之二州既平

以毅為輔軍將軍時刁預等亂屯於湘中毅遣將分討皆滅之
詔以毅為都督豫州揚州諸軍事梁州刺史劉雅反毅遣將討
擒之

諸葛長民劉裕建義初為揚武將軍從討桓玄以功拜輔國將
軍宣城內史於時桓歆聚眾向歷陽長民擊走之又與劉敬宣
破歆於芍陂封新淦縣公督淮北諸軍事鎮山陽城義熙初慕
容超寇下邳長民遣部將徐琰擊走之

何無忌為輔國將軍琅邪內史以會稽王道子所部精兵悉配
之南追桓玄與振武將軍劉道規俱受冠軍將軍劉毅節度玄
留其龍驤將軍何澹之前將軍廓銓江州刺史郭昶之守湓口
無忌等次桑落州道規乘勝徑進無忌又鼓譟從之澹之遂潰

進據尋陽遣使奉送宗廟主祐及武康公主琅邪王妃還京都
又與劉毅劉道規破走桓玄於崢嶸洲無忌進據巴陵玄從兄
謙從子振乘間陷江陵無忌道規進攻謙於馬頭攻桓蔚於龍
泉皆破之既而為桓振所敗退還尋陽無忌與毅道規復進討
振剋夏口三城遂平巴陵進次馬頭桓謙請割荆江二州奉送
天子無忌不許進軍破江陵謙等敗走無忌侍衛安帝還帝師
復以興復之功封安城郡開國公

國

